

# تَوْرِيرٌ نُّيُوحَنَّ

1

إِنْ إِزْوَارْنْ

<sup>1</sup> مَيَادِ إِمْلَاتْ رَبِّي إِيسُوعْ لَمَسِيحْ، إِفْكَاسْتْ أَيْمَلْ إِيسْمَكَانْ نَسْ أَيْلِيدْ إِقَانْ أَيْجَرُو غْ مَانْ أُورْ يَكُونْ، إِمْلَتْ لَمَسِيحْ إِيسْمَكْ نَسْ يُوحَنَّ سَلَامَكْ لِيدْ سُرْسْ بُوزْنْ. <sup>2</sup> إِفَكْ يُوحَنَّ تُوكَأْ فْ وَالْ نْ رَبِّي دْ تُوكَأْ نْ يَسُوعْ لَمَسِيحْ فْ أَيْلِي كُلو إِزْرَا. <sup>3</sup> أَمْبَارْكِي أَيْكَا وَلِي يَقَرَانْ دْ وَلِي سَفَلِينِينْ إِيولِيُونْ نْ وَرَأْ أَدْ لِيدْ إِمْلَأْ رَبِّي، أَرْ سَكَارْنْ سْ أَيْلِي گِيسْ إِتِيُورَانْ أَشْكُو تَازْصْ سَاعَتْ.

<sup>4</sup> غْ دَارْ يُوحَنَّ، إِسَاتْ لَكْنَائِسْ لَيْ لَانِينْ غْ أَسِيَا: أَدَوْنْ إِفَكْ رَبِّي لَبِرَكَا نَسْ دْ لَهْنَا، نَتَانْ لَيْ يَكَانْ وَلِي يَلَانْ دْ وَلِيتِينْ إِكَانْ إِلَا دْ وَلِي رَادْ يَاشْكْ، دْ دَارْ سَا لَارْوَاحْ لَيْ لَانِينْ غْ لَكَدَامْ نْ لَعْرَشْ، <sup>5</sup> دَارْ يَسُوعْ لَمَسِيحْ لَيْ يَكَانْ إِنِيْكِي غْ إِلَا لَامَانْ، إِكْ أَمْرَوْرُو لِيدْ إِنْكَرْنْ غْ كَرْ وَلِي مُوتِينْ، إِكْ أَكَلِيدْ نْ إِيْكَلَانْ نْ وَكَالْ دْ وَلِي يَاخْ إِحْوَبَانْ، إِسِيرْدْ أَخْ غْ دَنُوبْ نَخْ سْ إِدَامَنْ نَسْ، <sup>6</sup> إِسْكَرْ كِينْخْ إِكَلَانْ دْ إِبَدَادْنْ إِرْبِي لَيْ يَكَانْ بَابَاسْ أَدَاسْ يَلِي لَمَجْدْ دْ لَجْهَدْ تِينْ وَبَدَانْ، آمِينْ.

<sup>7</sup> هَتِي يُوشْكَادِ إِمُونْ دْ أَمْدُلُو، رَاتْ كُلو ژَرْنَتْ وَالْ نْ مَدَنْ، ژَرْنَتْ وَلِيتْ نَغَنِينْ، أَرْ كُلو فَلَاسْ أَلَانْ تَقْبَلِينْ نْ وَكَالْ. يَاهْ. آمِينْ. <sup>8</sup> «نَكِينْ أَيْكَانْ لِيفْ كَخْ يَا، إِسْ إِزْوَارْ دْ إِسْ إِكَرَا». مَيَادِ أَرْتْ إِتِيِّ رَبِّي لَيْ يَلَانْ دْ وَلِي تِينْ إِكَانْ إِلَا دْ وَلِي رَادْ يَاشْكْ، دْ وَلِي يَزْضَارْنْ إِكْرِيَكَاتْ تَغَوْسَا.

<sup>9</sup> نَكِي كِيخْ كَمَاتُونْ يُوحَنَّ لَيْ دِيدُونْ إِلَانْ غْ تَسَاسْتْ يَلِي دِيدُونْ غْ تَكَلْدِيْتْ نْ يَسُوعْ لَمَسِيحْ دْ صَبَرْ نَسْ لِيغْ لَيْخْ غْ تَكَزِيرْتْ لَيْ مِ تِينْ بَطْمُسْ فْ سَبَّتْ نْ وَالْ نْ رَبِّي، دْ تُوكَأْ نْ يَسُوعْ لَمَسِيحْ. <sup>10</sup> إِكْرَذْ فَلِي رُوْخْ نْ رَبِّي أَسْ نْ سِيدِيَتْخْ، سَفَلَدَخْ غْ تَغْرِضِينْ إِنُو إِيَاتْ لَحْسْ إِكُونْ زُونْدْ تِينْ نَفَارْ أَرْ <sup>11</sup> إِتِيِّ: «نَكِينْ أَيْكَانْ لِيفْ كَخْ يَا. أَمْرَوْرُو دْ أَمْكَارُو. أَيْلِي تَنَايْتْ أَرَاتْ غْ كَرَا نْ وَرَأْ تَازْنَتْ إِسَاتْ لَكْنَائِسْ لَيْ لَانِينْ غْ أَسِيَا سْ أَفَسْسْ، دْ سَمِيرْنَا، دْ بَرْغَامُسْ، دْ ثِيَاتِيرَا، دْ سَارِدِيسْ، دْ فِيلَادَفِيَا، دْ لَاوُدِكِيَا». <sup>12</sup> گَلْبَخْ دْ زَرْخْ لَحْسْ لِيدْ سِرِي يِسَاوْلَنْ. لِيغْنَ گَلْبَخْ أَرْ تَنَايْخْ سَاتْ لَفَنَارَاتْ نْ وُورْغْ، <sup>13</sup> يَلِي غْ تَرْوَمْتْ نْ سَاتْ لَفَنَارَاتْ دَدْ يَانْ إِرْوَاسْ يِوسْ نْ أَفْكَانْ، إِلِسْ يَاتْ تَمَلِسِيتْ أَرْ إِصَارَنْ، إِبْكَسْ دَارْ إِدَمَارْنْ نَسْ سْ سَاتْ لَفَنَارَاتْ نْ وُورْغْ. <sup>14</sup> إِحْفْ نَسْ دْ وَرَأَرْ نَسْ مَلُونْ زُونْدْ تَصُوْتَ مَلُونْ نَغَدْ أَدْفَلْ، أَلَنْ نَسْ زُونْدْ أَفَدَدُو نْ لَعْفِيتْ. إِصَارَنْ نَسْ زُونْدْ أَنَاسْ إِصْفَانْ، زُونْدْ إِغْدْ فُوغْنْ غْ أَفْرَانْ. أَوَالْ نَسْ زُونْدْ تُوكَتْ نْ وَمَانْ. <sup>15</sup> إِلِينْ سَا إِتِرَانْ غْ أَفُوسْ نَسْ أَفَاسِيْ، إِمِي نَسْ أَرْدْ گِيسْ إِنْفَغْ يَانْ سِيفْ إِفْرَسْنْ إِلَانْ سِينْ إِمَاؤَنْ. أُودْمْ نَسْ زُونْدْ

تَقْوُكْتُ إِسْوُوفُونْ سْ تَمِي نْ تِقاوْتُ نْسْ. <sup>17</sup> لِيْغْتُ زِرِيْخْ ضِرْخْنْ غْ دَارْ إِصَارَنْ نَسْ زُونْدْ يَانْ إِمُوتْنْ، إِسْرَسْ فَلِيْ أَفُوسْ نَسْ أَفَاسِيْ يِنِيْ: «أَدْ أُورْ تَكْسَاطْ، نُكِينْ أَيْكَانْ أَمْزُورُو گَخْ أَمْكَارُو، <sup>18</sup> گَخْ وَادْ إِدْرَنْ كِيْخِتِينْ مُوتْخْ، هِيْ دَرْخْ تِينْ وَبَدَانْ! آمِينْ. طَافْخْ نِيسُورَا نْ لُوتْ دْ لَبَهْمُوتْ. <sup>19</sup> تَرَأْ أَيْلِيْ تَشْرِيتْ دْ أَيْلِيْ لَانْ دْ أَيْلِيْ رَأْ سُولْ بِلِيْ غْ تَعْرُضِينْ نْ مِيَادْ. <sup>20</sup> سَرَّنْ سَا إِتْرَانْ لِيْ تَشْرِيتْ فْ أَفَاسِيْ إِنُو دْ سَاتْ لَفَنَارَاتْ أَدْ نْ وُورْغْ إِكَأْ غَمْكَادْ: سَا إِتْرَانْ گَانْ لَمَلَيْكَا نْ سَاتْ لَكَنَائِسْ، سَا لَفَنَارَاتْ لِيْ تَشْرِيتْ گَانْتْ سَاتْ لَكَنَائِسْ أَنْ.

2

## إِفْرِ وِيسْ سِينْ

<sup>1</sup> أَرَا إِمْلَاكْ نْ لَكْنِسَا غْ أَفَسِسْ: «إِنَّا يِكْ وَلِيْ يُومَزْنْ سَا إِتْرَانْ غْ أَفُوسْ نَسْ أَفَاسِيْ، أَرْ إِرْكِيزْ غْ كِرْ سَاتْ لَفَنَارَاتْ أَنْ نْ وُورْغْ: <sup>2</sup> هَانْ سَنْخْ مَاتَسْكَارْتْ إِسَانْخْ تَزَلَّا نُكْ دْ صِبْرْ نُكْ إِسَانْخْ إِسْ دَارَكْ أُورْ عَرِينْ وَلِيْ فَغْنِينْ أَغَرَاسْ، إِسَانْخْ إِسْ تَجْرِيتْ وَلِيْ تِينِينْ گَانْ إِرْقَاصْنْ نُتِيْ أُورْ گِينْ إِرْقَاصْنْ نْ يَاتْ تَافْتَنْ إِسْ گَانْ وَبَنْ ژُورْ. <sup>3</sup> صِبْرِنْكْ إِكُوتْنْ، تَرَرِيتْ تَمَرَأْ فْ سِبَّتْ نْ إِسْمْ إِنُو، سُولْ أُورْ تَرْمِيتْ. <sup>4</sup> وَلَائِنِيْ أَيْلِيْ فَدْ دِيدَكْ أُورْ مَشُوشْكِيْخْ: دْ إِسْ تَقْلَتْ تَايِرِيْ نُكْ تَمَزُورُوتْ. <sup>5</sup> أَوَا إِكْنَائِيدْ مَنِيْ غَدْ تَضْرِتْ تُورِيدْ سْ أَغَرَاسْ، تَضُوتْ سْ لَفَعَالْ نُكْ لِيْ سْ تَرْوُورْتْ، نَعْدَ أَنْ أَشْكَخْ غْ مَانْ أُورْ يَكُوْكْنْ سَنْدُودِيْخْ لَفَنَارْ نُكْ غْ إِدِيسْ نَسْ، إِغْدْ أُورْ تُورِيتْ سْ أَغَرَاسْ. <sup>6</sup> وَلَائِنِيْ تَلَّا گِيكْ يَاتْ: تَحْسَاتْ أَيْلِيْ سَكَارْنْ نَقْوَلَوِينْ غَمْكَلِيتْ بِيتْ حَشَاخْ أَلَا نُكِيْ. <sup>7</sup> وَنَا دَارْ إِمْرُكَانْ أَرْ إِسْقَلِيدْ مَاسْ إِتِيْ رُوحْ نْ رِبِّيْ إِلْكَنَائِسْ، وَنَا إِكَانْ فْ گَارْ رَادْ أَسْ فَكْخْ أَيْشْ غْ شَجَرْتْ نْ تُودْرْتْ لِيْ يِلَانْ غْ تَرْوَمْتْ نْ لَجْنْتْ نْ رِبِّيْ».

<sup>8</sup> أَرَا إِمْلَاكْ نْ لَكْنِسَا نْ سَمِيرَنَا: «إِنَّا يِكْ وَلِيْ يِكَانْ أَمْزُورُو إِكْ أَمْكَارُو، وَلِيْ يِمُوتْنْ يَصْوُضْ إِدْرْ: <sup>9</sup> هَانْ سَنْخْ أَيْلِيْ تَسْكَارْتْ إِسَانْخْ مَنْشَكْ نْ تَسَاسْتْ دْ ژِلْضَنْ أَغْ تَلِيتْ مَقَارْ دَارَكْ لَبَاسْ. إِسَانْخْ أَيْلِيدْ فَلَاكْ سَكَارْنْ وَلِيْ تِينِينْ إِيْخَافَوْنْ نَسْنْ گَانْ أَدَدِينْ وَلَائِنِيْ نُتِيْ أَدْ گَانْ دْ أَجْمُوعْ نْ شَيْطَانْ. <sup>10</sup> أَدْ أَكْ أُورْ تَكْسَاتْ غْ تَرْقُوفَتْ لِيْ سِرْكْ إِتَّقْلَنْ، هَانْ إِلِيسْ رَانْ إِكْ كَرَا گِيُونْ غْ لَحْبَسْ أَكَنْ إِجْرَبْ، تَلِيمْ غْ تَرْفُوفَتْ مَرَأَوْ أَسَانْ. أَكِيْگِيْ أُورْ تَقْلَتْ أَرْ لُوتْ هِيْ رَادَكْ فَكْخْ تَوْسُكِينْتْ نْ تُودْرْتْ». <sup>11</sup> وَنَا دَارْ أَمْزُوغْ أَرْ إِسْقَلِيدْ إِيْلِيْ يِتِيْ رُوحْ إِلْكَنَائِسْ. وَنَا إِكَانْ فْ گَارْ أُورَاتْ تَسِيَّاگَاسْ لَمُوتْ تِيسْ سَنَاتْ.

<sup>12</sup> أَرَا إِمْلَاكْ نْ لَكْنِسَا غْ بَرْغَامُسْ تِيتْ أَسْ: «إِنَّا يِكْ بَابْ نْ سِيفْ لِيْ يِقْرَسْنْ إِطْفْ سِينْ إِماوَنْ. <sup>13</sup> هَانْ سَنْخْ أَيْلِيْ تَسْكَارْتْ، دْ مَاعْ تَرْدَعْتْ، إِزْدْ غَلِيْغْ إِلَا لَعْرَشْ نْ شَيْطَانْ، وَلَائِنِيْ تُومَرْتْ گَانْ غْ إِسْمْ إِنُو، أُورْ تَكَارْتْ إِسْ سَرِيْ تُومَنْتْ، حَتَّا غْ أَسَانْ نْ أَنْتِيَبَاسْ لِيْ يِكَانْ إِنَّگِي لِيْ گِيْگِي أُورْ إِفَالَنْ نَغْنَتْ غْ تَمْدَنْتْ نُونْ لَيْغْ إِرْدَغْ شَيْطَانْ. <sup>14</sup> وَلَائِنِيْ إِدْرُوسْ أَيْلِيْ فَدْ دِيدَكْ أُورْ مَشُوشْكِيْخْ: هَانْ لَانْ دَارَكْ كَرَا نْ مَدَنْ لِيْ

أومُرْبِينْ غَ الْمُودْ نْ بَلْعَامْ نَنَانْ أَيْسَلْمَدْنْ بَالَاقْ أَنْ إِلْدِي أَيْتْ إِسْرَائِيلْ سْ كَارْ: أَرْ شَتَانْ أَيْلِي يَتَغَرَّصْنْ إِلَاصِنَامْ، أَرْ تَرْنُونْ.<sup>15</sup> إِلَيْنْ دَارْكْ كَرَانْ مَدَنْ أَلَا نَتَنِي غَ الْمُودْ نْ نِيُوقُلَوَبِينْ لَيْ حَشَاخْ. <sup>16</sup> أَوَا إِورِيدْ سْ أَغْرَاسْ نَغْدَ أَنْ حَرُوخْ أَدِيدْسْنْ مَاعَنْ سِيفْ نْ إِمِي نُو. <sup>17</sup> وَنَا دَارْ أَمْرُوغْ أَرْ إِسْقَلِيدْ مَائِتِي رُوحْ نْ رَبِّي إِلْكَنَائِسْ. وَنَا إِكَانْ فْ كَارْ رَادْ أَسْ فَكْخْ أَيْشَ غَ لَمَنْ لَيْ يَتَنَنْ، فَكْخْ أَسْ يَانْ أُورْزُرُو مَلُولْنْ لِيغْ إِتَيُورَا يَانْ إِسْمْ لَجَدِيدْ لَيْ أُورْ إِسْنْ يَانْ أَبَلَا وَلَيْتْ يُومَرْنْ.

<sup>18</sup> أَرَا إِلْمَالَكْ نْ لَكْنِيسَا غَ ثِيَاتِيرَا تَتِيتْ أَسْ: «إِنَّا يَكْ بِوْسْ نْ رَبِّي لَيْ مَ كَانْتْ وَالَّنْ زُونْدْ أَفَدَدُو نْ لَعْفِيتْ، كَنْ إِصَارَنْ نَسْ زُونْدْ أَنَاسْ إِصْفَانْ: <sup>19</sup> هَانْ سَنْخْ مَاتَسْكَارْتْ إِسَانْخْ تَايِرِي نَكْ دَ لَيْمَانْ نَكْ دَ لَخْدَمَتْ نَكْ دَ صَبِيرْ نَكْ، إِسَانْخْ إِسْ إِكُوتْ أَيْلِي تَسْكَارْتْ غَ إِسْ إِكَرَا فْ أَيْلِي تَسْكَارْتْ غَ إِسْ إِزْوَارْ. <sup>20</sup> وَلَائِنِي إِدْرُوسْ أَيْلِي فَدْ دِيدَكْ أُورْ مَشُوشْكِيخْ: أَتَ إِكَانْ دَ إِسْ تَلِيتْ لَخَاطِرْ إِتَمْغَرْتْ إِزَابِيلْ لَيْ يَتَتِينْ تَكَا تَتِيتْ، أَيْلِيغْ أَرْ تَسْلَمَادْ إِسْمَكَانْ إِنُو أَرْ نَتِينْ تَلِدي أَدْ تَرْنُونْ أَرْ شَتَانْ غَ أَيْلِي يَتَغَرَّصْنْ إِلَاصِنَامْ. <sup>21</sup> فَكِيْخْ أَسْ لَاجَالْ أَدْ تَضُو غَ زَنَا نَسْ وَلَائِنِي أُورْدْ تُوضِي. <sup>22</sup> هَيْ رَاسْتَ لُوحْخْ سْ تَمَضُونْتْ أَتَكْنْ غَ إِبْرَدَانْ، كَخْ وَلَيْ دِيدِسْ تَرْنُونِينْ غَ تَسَاسَتْ مَقْوَرْنْ إِغْدَ أُورْ أَصْبِينْ غَ أَيْلِي سَكَارْنْ. <sup>23</sup> رَادْ نَغْ تَرْوَا نَسْ أَكَلُو إِسَانْتْ لَكْنَائِسْ إِزْدْ نَكِينْ أَيْقَرُونْ إِسْوِنْكِيمْ دَ أُولَوْنْ، أَرْ أَكَاخْ إِكْرِيَگَاتْ يَانْ كَتُونْ أَيْلِيدْ رُورَانْ لَافَعَالْ نَسْ. <sup>24</sup> وَلَائِنِي أَرْ تَتِيخْ إِوْلِي غَمَنِينْ غَ ثِيَاتِيرَا، دَ كَنِيْ لَيْ أُورْ إِقْبَلْنْ الْمُودْ أَدْ كَلُوتْ، دَ وَلِي سَنِينْ لَاسْرَارْ نْ شَيْطَانْ غَمَكْلِي يَاسْ نَتِينْ: هَانْ أُورَا فَلَاؤْنْ سَرْسَخْ كَرَانْ أَرَازُو يَاضِنْ، <sup>25</sup> مِشْ أَيْلِي دَرُونْ أَمْرَاتْ كِيسْ أَرْدَنْ أَشْكَخْ. <sup>26</sup> وَنَا إِكَانْ فْ كَارْ أَرْ بَدَا إِسْكَارْ تَوُورِي نُو أَرْ إِسْكَرَا رَادْ أَسْ فَكْخْ أَيْتَحَكَامْ فْ لَكْنُوسْ. <sup>27</sup> غَمَكْلِي أُورْمَرْخْ أَلَا نَكِيْ تَتِبَضِينْ غَ دَارْ بَابَا رَافَلَاسْنْ إِتَحَكَامْ سْ لَقَضِيبْ نْ لَحْدِيدْ، أَرْتِنْ إِتَرْزَا زُونْدْ إِفْسَكَانْ نْ إِلْقِيْ، فَكْخْ أَسْ إِتِريْ نْ صَبَاحْ أَلَا نَتَانْ. <sup>29</sup> وَنَا دَارْ أَمْرُوغْ أَرْ إِسْقَلِيدْ إِمَائِتِي رُوحْ نْ رَبِّي إِلْكَنَائِسْ».

3

## إِفْرْ وِيسْ كِرَاضْ

<sup>1</sup> أَرَا إِلْمَالَكْ نْ لَكْنِيسَا غَ سَارْدِسْ تَتِيتْ أَسْ: إِنَّا يَكْ وَلَيْ دَارْ سَا لَارْوَاحْ نْ رَبِّي دَ سَا إِتْرَانْ لَيْ. هَانْ سَنْخْ مَاتَسْكَارْتْ، أَشْكُو إِسْمْ كَا أَسْوُلْ تَدَرْتْ إِمَا كِيْ تَمُوتْ. <sup>2</sup> أَوْوَزْ تَرَارْدْ لَجْهَدْ غَ أَيْلِي سُولْ دَارْكْ إِعْمَانْ، إِغْتَا أُورْ إِمُوتْ، أَشْكُو أَفِيْخَنْ لَافَعَالْ نَكْ أُورْ كَمْلَنْ غَ دَارْ رَبِّي. <sup>3</sup> إِكتَايِدْ أَيْلِي تُومَزْتْ دَ أَيْلِي مَ تَسْفَلْدَتْ، أَرْ سَرْسْنْ تَسْكَارْتْ تُورِيدْ سْ أَغْرَاسْ. إِغْ أُورْ تَوُوزْتْ رَانْ أَشْكَخْ زُونْدْ أَمْخَارْ، أُورَا تَيِسَانْتْ مَانْ لُوقَتْ أَرَانْ دَارْكْ أَشْكَخْ. <sup>4</sup> لَانْ سُولْ دَارْكْ كَرَانْ مَدَنْ دَرُوسْتِينْ غَ سَارْدِسْ أُورْ لَسْنْ تَمْلِسَا نَسْنْ، رَادِيدِي زَيْكِيزْنْ لَسْنْ تَمْلِسِيتْ تُومِيلِتْ أَشْكُو كَانْ أَمْنِيدْ نَسْ. <sup>5</sup> وَنَا إِكَانْ فْ كَارْ رَايْسْ تَمْلِسِيتْ تُومِيلِتْ، أُورَادْ

صَفْدُخْ إِسْمُ نِسْ غْ وَرَانْ تُودْرُتْ، رَادْ قَرُوْخْ سْ إِسْمُ نِسْ غْ لَكْدَامْ نْ بَابَا دْ لَمَلَيْكَا نِسْ. <sup>٦</sup> وَنَا دَارْ أَمْزُوغْ أَرْ إِسْقَلِيدْ إِمَائِيْتِي رُوْخْ نْ رَبِّي إِلْكَنَايْسْ.

<sup>٧</sup> أَرَا إِمَالَكْ نْ لَكْنِيْسَا غْ فِيلَادَلْفِيَا تَبِيتْ أَسْ: «إِنَّا يَكْ وَلَيْ يِكَانْ وِينْ رَبِّي إِكْ لَحَقْ، وَلَيْ دَارْ شَرُوتْ نْ دَاوَدْ، إِغْ إِرْزِمْ تَكُورْتْ أُورَسْتَنْ إِقْنْ يَانْ، إِغْتَ إِقْنْ أُورْ إِزْضَارْ يَانْ أَسْتَ إِرْزِمْ: <sup>٨</sup> هَانْ سَنْخْ أَيْلِي شَكَارْتْ. أَشْكُو مَقَارْ إِدْرُوسْ أُدْوَاسْ نَكْ، أَرْ شَكَارْتْ سْ وَوَالْ إِنُو أُورْ تَتَكَرْتْ إِسْمُ إِنُو، هَيْ رِزْمَخْ أَكْ يَانْ لَبَابْ أُورْ إِزْضَارْ يَانْ أَتْ إِقْنْ. <sup>٩</sup> أَمَّا وَلَيْ كَنِينْ غْ أَجْمُوعْ نْ شَيْطَانْ، أَرْ سَكْرِيْكِيسْ أَرْتَتِينْ كَانْ أَدَيْنْ نَتِي أُورْتَنْ كَيْنْ، رَادْ أَسْنْ سَغْوِيْخْ أَنْ أَشْكُنْ سَجْدَنْ غْ دَارْ إِسَارَنْ نَكْ إِسَانْ إِسْ دَرِي تَعْرِيْتْ. <sup>١٠</sup> أَشْكُو شَكَارْتْ سْ وَوَالْ إِنُو تَصِيرْتْ، أَلَا نَكِي رَاكَ فُوكُوكْ غْ تَسَاعْتْ نْ تَسَاعْتْ لَيْ رَادْ يَاشْكْ سْ دُونِيتْ كَلُوتْ أَتَارْمْ مَدَنْ لَيْ لَانِينْ غْ إِكِي نْ وَكَالْ. <sup>١١</sup> هَيْ غِيكَ سْنْ أَشْكِيْخْ تَغِي غْ أَيْلِي دَارِكْ إِلَانْ أَدْ أُورْ يَوِي يَانْ تَوْشِكِيْتْ نَكْ. <sup>١٢</sup> وَنَا إِكَانْ فْ كَارْ رَاتْ كَخْ دْ تَغِيرْتْ غْ لَهِيْكَلْ نْ رَبِّي، إِغْمَا بَدَّا كِيسْ، رَافِلَاسْ أَرَاخْ إِسْمْ نْ رَبِّي، دْ إِسْمْ نْ تَمْدِنْتْ نْ رَبِّي، أُورُشَلِيمْ لَجَدِيدْ لَيْ رَادْ إِكِرْ غْ إِكْنَوَانْ دَارْ رَبِّي، أَرَاخْ فَلَاسْ إِسْمْ إِنُو لَجَدِيدْ. <sup>١٣</sup> وَنَا دَارْ أَمْزُوغْ أَرْ إِسْقَلِيدْ إِيْلِي يِتِي رُوْخْ نْ رَبِّي إِلْكَنَايْسْ».

<sup>١٤</sup> أَرَا إِمَالَكْ نْ لَكْنِيْسَا نْ أَيْتْ لَأُودِكِيَا تَبِيتْ أَسْ: «إِنَّا يَكْ لَأْمِينْ، لَيْ يِكَانْ إِغْرَانْ يِلِي كِيسْ لَأْمَانْ، إِكْ أَرْ غَرْ نْ أَيْلِي يُخْلِقْ رَبِّي. <sup>١٥</sup> هَانْ سَنْخْ أَيْلِي شَكَارْتْ، إِسَانْخْ إِسْ أُورْ تَكْرِمْتْ أَلَا تَرْغِيْتْ مَلَادْ إِسْ كَا تَكْرِمْتْ نَغْ تَرْغِيْتْ! <sup>١٦</sup> لَيْغْ تُولِيْتْ، أُورْ تَكْرِمْتْ أَلَا تَرْغِيْتْ، هَيْ رَاكِيدْ رَارُخْ سُوفَسْخْ كِيدْ غْ إِمِي نُو. <sup>١٧</sup> أَرْ تَبِيتْ نَكِي لَابَاسْ دَرِي سَغْنِيْخْ، أُورْ لَكْمَخْ فِيَاتْ، وَلَانِينْ أُورْ تَسَنْتْ إِزْدْ تَمَرَا أَغْ تَلِيْتْ أُورْ دَارِكْ يِيَاتْ تَنْكَتْ أَمْرُلُوضْ دْ أَبِكَاضْ أُورْ تَلِسِيْتْ يِيَاتْ. <sup>١٨</sup> أَرْكْ تَنْصَاحْ أَدَرِي تَسْغَتْ أُورْغْ إِصْقَانْ سْ لَعْفِيْتْ دَارِكْ لَابَاسْ، تَسْغَتْ تَمْلِسِيْتْ تُومَلِيْتْ مَا تَلْسَاتْ، دْ مَاسْ تَدَالْتْ لَعِيبْ نْ أَحْرَضِيْضْ لَيْ شَكَرْتْ، تَسْغَتْ طَرُولْتْ أَسْتَ تَنْكَتْ إِوَالَنْ نَكْ أَدْ أَكْدْ بِورِي إِزْرِي. <sup>١٩</sup> هَانْ وَنَا دَرِي إِغْرَانْ أَرْ دِيْسْ طَرِيْخْ أَرْتْ تَرْبَاخْ. أَواَگْ وَادْ غْ إِلَا سَيْعَرْ تُورِيْدْ سْ أَغْرَاسْ. <sup>٢٠</sup> هَيْ بَدَّخْ غْ بَرَانْ تَكُورْتْ أَرْ صَنْقُورْخْ. إِغْ إِسْقَلِيدْ كَرَا نْ يَانْ إِوَالْ إِنُو إِرْزِمْ تَكُورْتْ، رَانْ دَارِسْ كَشْمَخْ شَخْ دِيْسْ إِمْنِسِي إِشْتَ دِيدِي. <sup>٢١</sup> وَنَا إِكَانْ فْ كَارْ رَاتْ دِيدِي سَكَأَورْخْ فْ لَعْرَشْ إِنُو، غَمْكَلِي كِيْخْ فْ كَارْ أَلَا نَكِي كَأَوْرْخْ دْ بَابَا غْ لَعْرَشْ نِسْ. <sup>٢٢</sup> وَنَا دَارْ أَمْزُوغْ أَرْ إِسْقَلِيدْ إِيْلِي يِتِي رُوْخْ نْ رَبِّي إِلْكَنَايْسْ.

4

## إِفْرْ وِيسْ كُوْزْ

<sup>١</sup> إِمِيَكَ سْ أَتَتَيْخْ يَانْ إِمِي يِرْزِمْ غْ إِكْنَوَانْ، لَحْسَ لَيْ مِ سَفَلْدَخْ غْ إِسْ إِزْوُورْ زُونْدْ نَفَارْ أَرْدْ سِرِي يِسَوَالْ أَرْتِي: «غَلِيدْ سْ غِيدْ أَدَالَكْ مُلْخْ أَيْلِيدْ إِقَانْ أَيْجَرُو إِغْ إِزْرِي مَيَادْ». <sup>٢</sup> تَسَاعْتْ أَنْ أَغْدْ فَلِي يِكُوزْ رُوْخْ. أَنْيَخْ

يَانْ لِعْرُشْ غْ إِكْنَوَانْ إِكَاوْرْ فَلَاسْ يَانْ. <sup>٣</sup> إِكْ وَلَّيْ يِكَاوْرْنْ زُونْدْ أَزْرُوْ نْ لِيَاشْبْ دْ زُونْدْ أَزْلُوْيْ أَزْكَاغْ، تَسُوْتْلْ إِلْعَرْشْ لِي يَاتْ تَسْلِيْتْ نْ أَنْثَارْ زُونْدْ ضِيَمَانْ. <sup>٤</sup> إِسْوَتْلْ إِلْعَرْشْ لِي عَشْرِينْ دْ كُوْزْنْ لِعْرُشْ أَرْ تَنَّايمَخْ عَشْرِينْ دْ كُوْزْنْ إِفْقِيرْنْ لِسَنِينْ تَمْلِسَا تُومَلِيْتْ إِلِينْ فْ إِخْفَاؤْنْ نَسْنْ إِدْ تَاجْ نْ وُورْغْ كَاوْرْنْ فْ إِدْ لِعْرُشْ لِي. <sup>٥</sup> أَرْدْ تَفْوَغْنْ أَسْمَانْ دْ إِكِيْكَنْ دْ كَرَا نْ إِدْ لَحْسَ يَضْنِينْ غْ لِعْرُشْ لِي. إِلِينْ غْ لَكْدَامْ نَسْ سَانْ إِسْوَفَا نْ لَعْقِيْتْ إِرْغَانْ أَنْ إِكَانْ دْ سَا لَأَرْوَاحْ نْ رَبِّيْ. <sup>٦</sup> يِلِي غْ لَكْدَامْ نْ لِعْرُشْ لِي يَانْ لَبْحَرْ نْ جَاجْ إِسْقَافْ زُونْدْ لِبَنَارْ. تَرْوَمَتْ نْ لِعْرُشْ لِي دْ أَيْلِي يَاسْ إِسْوَتْلَنْ لَانْتْ كِيسْ كُوصَتْ لِمُخْلُوقَاتْ كَانْتْ كُلوْ أَلنْ غْ لَكْدَامْ أَلَا تَغْرِضِينْ: <sup>٧</sup> لَخْلِيقَتْ إِرْوَارْنْ زُونْدْ إِزْمْ، تِيسْ سَنَاتْ زُونْدْ أَزْكَرْ، تِيسْ كَرَاطْ تَطَافْ أُودْمْ زُونْدْ وَبِنْ أَفْكَانْ، تِيسْ كُوصَتْ تَكَأْ زُونْدْ إِكِيدْرْ إِغْ يُويْلْ. <sup>٨</sup> كَرِيْكَاتْ يَاتْ غْ كُوْزْتْ لِمُخْلُوقَاتْ لِي تَطَافْ سَضِيَّصَتْ تَقْرَوِينْ كَانْتْ كُلوْ أَلنْ غْ أَكْنِسْ أَلَا بَرَا، أَرْتِتِينْ ضَيَّصَنْ دْ أَرْأَلْ: «قُوْسْ، قُدوْسْ، سِيدِي رَبِّي يِزْضَارْ إِكْرِيْكَاتْ تَغْوِسَا، نَتَانْ أَيْلَانْ يِلِي يِرِي إِدْ يَاشْكْ». <sup>٩</sup> كُونْ إِغْ سِبْحَنْتْ كُوصَتْ لِمُخْلُوقَاتْ أَنْ إِولِي يِكَاوْرْنْ فْ لِعْرُشْ مَجْدِنْتْ شَكْرِنْتْ، نَتَانْ لِي يِدْرَنْ تِينْ وَبَدَانْ. <sup>١٠</sup> كُنُونْ عَشْرِينْ دْ كُوْزْنْ إِفْقِيرْ لِي غْ لَكْدَامْ نْ وَلَّي يِكَاوْرْنْ فْ لِعْرُشْ، سَجْدَنْ إِولِي يِدْرَنْ تِينْ وَبَدَانْ، لُوحَنِينْ إِدْ تَاجْ نَسْنْ غْ لَكْدَامْ نْ لِعْرُشْ أَرْتِتِينْ: <sup>١١</sup> كِيْ أَسِيدِي رَبِّي أَيْكَانْ أَمْنِيدْ نْ لَمَجْدْ دْ تُولَغاْ دْ لَجْهَدْ، أَشْكُوْ كِيْ أَيْلَقْلَقْنْ كَرِيْكَاتْ تَغْوِسَا، دْ شُورْ نَكْ أَسْ تَيْوْخَلَقْنْتْ إِلِينْتْ.

5

## إِفْرَ وِيسْ سَمُوسْ

<sup>١</sup> أَرْ تَنَّايمَخْ غْ أَفَاسِيْ نْ وَلَّي يِكَاوْرْنْ فْ لِعْرُشْ يَانْ وَرَا إِتْيُورَا غْ بَرَا أَلَا أَكْنِسْ، إِتْيُورْشَامْ سْ سَا نْ إِدْ رَشْمْ. <sup>٢</sup> أَرْ تَنَّايمَخْ يَانْ لَمَلَاكْ إِدُوسْنْ أَرْ يَقْرَا سْ كَرَا دَارْسْ أَرْ إِنْتِي: مَانُوا إِكَانْ أَمْنِيدْ أَيْرَزْمْ أَرَا أَدْ إِرْزْمْ رَشْمُونْ نَسْ؟ <sup>٣</sup> أُورْ إِرْضَارْ حَتَّا يَانْ غْ إِكْنَوَانْ أَلَا غْ إِكِيْ نْ وَكَالْ أَلَا دُوْ وَكَالْ أَلَا يِرْزْمْ أَرَا لِي أَلَا أَكِيسْ إِسْمُوقْلْ. <sup>٤</sup> أَشْكِنِيدْ إِمْطَاوْنْ أَرْ إِلْمَا بَهْرَا أَلَاخْ، أَشْكُوْ أُورْ إِلِي حَتَّا يَانْ إِسْتَهَلَانْ أَيْرَزْمْ أَرَا أَنْ أَتْ إِغْرْ أَلَا أَكِيسْ إِسْمُوقْلْ. <sup>٥</sup> إِنَّايِي يَانْ غْ إِفْقِيرْنْ لِي: «أَدْ أُورْ تَلَاتْ. هَانْ إِزْمْ لِي يِكَانْ غْ أَزْوَرْنْ نْ أَيْتْ يَهُوْذَا، لِي يِكَانْ أَزْوَرْنْ دَادُدْ، إِكَا فْ كَارْ، نَتَانْ أَرَا يِرْزْمْ أَرَا أَنْ إِفْسِيْ إِدْ رَشْمُونْ نَسْ لِي كَنِينْ سَا». <sup>٦</sup> إِمِيَكْ سْ أَنَّايمَخْ يَانْ لَقَاعْ إِيدْ غْ تَرْوَمَتْ نْ لِعْرُشْ لِي، إِكْ زُونْدْ إِغْ إِتْغَرْصْ، سُوْتَلَنْتْ أَسْ كُوصَتْ لِمُخْلُوقَاتْ لِي دْ إِفْقِيرْنْ لِي. إِطَّفْ سَا وَسَكِيُونْ دَسَاتْ وَالَّنْ كَانْتْ سَا لَأَرْوَاحْ نْ رَبِّي لِيَدْ يُوزْنْ سْ وَكَالْ كُلوْتْ. <sup>٧</sup> يَاشْكُدْ لَقَاعْ لِي يَامِزْدْ أَرَا لِي غْ أَفُوسْ أَفَاسِيْ نْ وَلَّي يِكَاوْرْنْ فْ لِعْرُشْ. <sup>٨</sup> لَيْغْ يُوسِيْ أَرَا أَنْ سَجْدَنْتْ كُوصَتْ لِمُخْلُوقَاتْ أَنْ دْ كُوْزْ إِدْ عَشْرِينْ لِي نْ أَفْقِيرْ غْ لَكْدَامْ نْ لَقَاعْ لِي، كَرِيْكَاتْ يَانْ إِطَّافْ يَانْ لُوطَارْ أَسِينْ لَكْسَانْ نْ وُورْغْ عَمْرَنْ سْ لَبْخُورْ لِي كَنِينْ طِرِلاَنْ نْ أَيْتْ رَبِّي. <sup>٩</sup> أَرْ سَلَغَانْ يَاتْ تَالَّغَاتْ لَجْدِيدْ أَرْتِتِينْ: «كِيْبِينْ أَيْكَانْ

أَمْنِيدِ أَتَسِيتُ أَرَا تُرْزَمْتُ رَشُومْ نُسْنُ، أَشْكُو تَغْرِصْتُ تَسْغُتُ أَخْ إِرْبِي سِإِدَامَنْ نُكْ غُ كُرِيَگَاتَ نَقْبِيلَتْ دْ كُرِيَگَاتَ تُولَيَّتْ دْ لُكْنَسْ دْ كُرِيَگَاتَ تَامَتِي. <sup>10</sup> تَكْتُ أَخْ دْ إِكْلَدَانْ دْ إِنْدَادَنْ إِرْبِي، أَنْحَمْ فَوَكَالْ». <sup>11</sup> سُمُوقْلَخْ سَقْلَدْخِ إِلْحَسْ نِ كِيَگَانْ دْ لِمَلَائِكَةِ سُوتَنْتِ إِلْعَرْشِ لِي دْ لِمُخْلُوقَاتِ لِي دْ إِفْقِيرْنِ لِي، كَنْتِ الْفِيُونْ فَوَلْفِيُونْ نِ إِدْ مَرَاوْ نِ وَلْفِيُونْ. <sup>12</sup> أَرْتَتِينْ سِكْرَا دَارْسِنْتِ: «إِسْتَهَلَّا لِلْفَاقْ إِتَغْرِصْنِ أَيَامَزْ تَكَلْدِيَتْ دْ وَيَدا دْ لَحْكَمَا دْ لَجْهَدْ دْ شَانْ، دْ لَمَجْدَ دْ لَحْمَدْ». <sup>13</sup> سَقْلَدْخِ إِكُولْ مَايَخْلُقْ رَبِّي غُ إِنْكَوَانْ دْ وَكَالْ دْ إِزْدَارْ نِ وَكَالْ دْ لَبْحَرْ، دْ أَيْلِي كُلُو كِيسِنْ إِلَانْ، أَرْ إِتِي: «لَحْمَدْ دْ شَانْ دْ لَمَجْدَ دْ لَجْهَدْ تِينْ وَبَدَانْ إِولِي يِكَأَورْنْ فَلِعْرَشْ دْ لِلْفَاقْ». <sup>14</sup> نَانْتِ أَسْدَ كُوصْتِ لِمُخْلُوقَاتِ لِي: «آمِينْ». كُنُونْ كُوشْ إِدْ عَشْرِينْ لِي نِ أَفْقِيرْ سَجْدَنْ إِولِي يِدَرْنْ تِينْ وَبَدَانْ.

6

## إِفْرُ وِيسَ سَضِيَصَ

<sup>1</sup> سُمُوقْلَخْ لِيغْ إِفْسِي لِلْفَاقْ لِي يَانْ غُ سَا رَشُومْ لِي، سَقْلَدْخِ إِيَاتِ غُ كُوصْتِ لِمُخْلُوقَاتِ لِي أَرْ تِي سِيَانْ وَوَالْ زُونْدِ إِكِيَگَ: «أَشْكِيدِ أَتَرْتِتْ!» <sup>2</sup> سُمُوقْلَخْ أَرْ تَتَّايِخْ يَانْ وَيِيسِنْ أَمْلِيلِ، وَلِي فِلَاسْ إِكَأَورْنِ يُوسِي يَانْ نَشَابْ يَامَزْ تَوْشِكِينْ إِفْغَدْ إِكَا فْ كَارْ يِرِي أَدَاخْ فِلَاسْ إِكِي. <sup>3</sup> لِيغْ إِرْزَمْ وَسِيَنْ رَشُومْ سَقْلَدْخِ إِتِيَسِنْ سَنَاتِ لِمُخْلُوقَاتِ لِي أَرْ إِتِي: «أَشْكِيدِ أَتَرْتِتْ؟» <sup>4</sup> إِفْغَدْ يَانْ وَيِيسِنْ يَاضِنْ إِكَا أَزْكَاغْ، إِتَفْكَا إِولِي فِلَاسْ إِسْوَدَانْ أَيْسِتِي لِهْنَا غُ وَكَالْ، أَدْ نَقَانْ مَدَنْ إِنْكَارَاتِسِنْ، إِتَقْكَاسْ يَانْ سَيْفْ مَقْوَرْنِ.

<sup>5</sup> لِيغْ إِرْزَمْ لِلْفَاقْ وِيسِ كَرَاصِ رَشُومْ، سَقْلَدْخِ إِتِيَسِ كَرَاطَ لِمُخْلُوقَاتِ لِي أَرْ تِي: «أَشْكِيدِ أَتَرْتِتْ!» سُمُوقْلَخْ أَرْ تَتَّايِخْ يَانْ وَيِيسِنْ أَسْكَانْ، وَلِي فِلَاسْ إِسْوَدَانْ يُوسِي يَانْ لَمِيزَانْ غُ أَفُوسْ نُسْ. <sup>6</sup> سَقْلَدْخِ إِيَاتِ لِحْسْ غُ تُرْزُومْتِ نِ كُوصْتِ لِمُخْلُوقَاتِ لِي أَرْ تِي: «تَنَاسْ نِ إِرْدَنْ سِيَانْ أَدِينَارْ، كَرَاطَ تَتَسِينْ نِ تَمْرِينْ سِيَانْ أَدِينَارْ. زَيْتِ دْ شَرَابْ أَتَنْ أُورْ تَهْلَكْمُ». <sup>7</sup>

لِيغْ إِرْزَمْ وِيسِ كُوشْ رَشُومْ، سَقْلَدْخِ إِتِيَسِ كُوصْتِ لِمُخْلُوقَاتِ لِي أَرْ تِي: «أَشْكِيدِ أَتَرْتِتْ!» <sup>8</sup> سُمُوقْلَخْ أَرْ تَتَّايِخْ يَانْ وَيِيسِنْ أَزْكَزَارْ، وَلِيَتِ إِسْوَدَانْ إِسْمِ نِسْ لَمُوتْ تَضْفُورِتِينْ لَبَهْمُوتْ. إِتَفْكَ أَسْنِ لَادَنْ أَدْ نَغْنِ رَبَا نِ إِمْزَدَاعِنْ نِ وَكَالْ سِيَفْ دْ لَازْ دْ لَمُوتْ دْ لَأَوْحَاشْ نِ وَكَالْ.

<sup>9</sup> إِرْزَمْ لِلْفَاقْ لِي وِيسِ سَمُوسِ رَشُومْ، أَرْ تَتَّايِخْ غُ إِزْدَارْ نِ يَانْ أَمْغَرِيَصْ لَارْوَاحْ نِ وَلِي نَغَانْ مَدَنْ فِ سَبَّتْ نِ وَوَالْ نِ رَبِّي، دْ تُوكَأَ لِي يِكَانْ. <sup>10</sup> غُرْنِ سِكْرَا دَارْسِنْ نَانْ: «أَرْمَانْ لُوقَتْ أَسِيدِي كِي لِي يِكَانْ لَقْدُوسْ تَكْتُ لَحَقْ، أَرَا تَاجْتِ إِمْزَدَاعِنْ نِ وَكَالْ أُورْ فِلَاسْنِ تُوتْ لَحُوكْمُ أَلَا تُومَرْتْ كِيسِنْ لَحَقْ فِ سَبَّتْ نِ إِدَامَنْ نَخْ؟» <sup>11</sup> يَامَزْدِ كُرِيَگَاتَ يَانْ كِيَسِنْ يَاتِ تَمْلِسِيتْ تُومَلِيلْتِ، نَانْ أَسْنِ أَسْوُلْ قَلْنِ يَانْ إِمِيكْ أَرْكِيغْدِ كُلُو أَشْكَانْ إِسْمَكَانْ لِي كَنِينْ إِسْمُونْ نُسْنِ، كَنْ أَيْتَمَاتِسِنْ لِي رَاسُولْ نَغْنِ مَدَنْ زُونْدِ نُسْنِ.

١٢ رُرْخْتْ لِيغْ إِفْسِي رَشْمْ وَيِسْ سَضِيقْ يِلِيدْ يَانْ زَلْزَالْ إِكُوتْنْ، تَضْلُو تَقْوَكْتْ زُونْدْ أَقْشَابْ نْ شَاعْرْ، يِزْوِيجْ وَيُورْ زُونْدْ إِدَامَنْ، <sup>١٣</sup> ضَرْنْدْ إِتْرَانْ نْ إِكْنَوَانْ سْ وَكَالْ غَمْكَلِيدْ طَارْنْ إِقْوَسَاسْنْ غْ تَزَارْتْ إِغْتْ سَنْدُودِينْ إِجَّاَنْ. <sup>١٤</sup> نُوضُونْ إِكْنَوَانْ زُونْدْ إِغْ تَسْتُوضِيتْ كَرَا نْ وَرَّا، تَيَّاتِينْدْ كُلُو يِنْدَرَانْ نْ تَكْرِبِينْ غْ إِلْيَغْ لَانْ. <sup>١٥</sup> نَكْرَنْ إِكْلَدَانْ نْ وَكَالْ دْ إِنْمُعُورْنْ دْ وَلِي دَارْ لَابَسْ دْ وَلِي اُمْرِنِينْ تَتْبَصِينْ دْ وَلِي دُوسِينْ دْ إِسْمَكَانْ كُلُوتْنْ دْ وَلِيتْنْ أُورْ كَنِينْ كُلُوتْنْ أَرْ تَحْضُونْ غْ إِفْرَانْ دْ كَرْ إِزَاكْنْ نْ إِدَرَارْنْ. <sup>١٦</sup> أَرْتِتِينْ إِيدَرَارْنْ دْ إِزَاكْنْ: «ضَرَادْ فَلَاخْ تَحْبُومْ أَخْ إِوْدَمْ نْ وَلِي يِنْكَأَورْنْ فْ لَعْرَشْ دْ لَغَصَبْ نْ الْفَاغْ»، <sup>١٧</sup> أَشْكُو يُوشْكَادْ وَاسْ نْ لَغَصَبْ نْسْ مَقْوَرْنْ، مَايِزْضَارْنْ أَبِيَيدْ غْ لَكْدَامْ نْسْ.

7

## إِفْرْ وَيِسْ سَا

<sup>١</sup> مَايِزْرِي مَيَادْ أَرْ تَنَائِخْ كُوصْتْ لَمَلَيْكَا بِيَدِنْتْ غْ كُوْرْتْ تَغْرَانْ وَكَالْ حَسَارْتْنْ كُوْرْ لَارِيَاحْ نْ وَكَالْ أَدْ أُورْ يِلِي وَضُو فْ وَكَالْ، أَلَا لَبْحَرْ، أَلَا أَصْغَارْ. <sup>٢</sup> أَنِيَخْ يَانْ لَمَلَكْ يَاضِنْ يُوشْكَادْ غَلِيغْ أَدْ تَقْلَيْ تَقْوَكْتْ يِلِي فَلَاسْ رَشْمْ نْ رَبِّي إِدَرْنْ، إِغْرْ سْ كَرَا دَارْسْ إِكْوَصْتْ لَمَلَيْكَ لِي مِ إِنْفَكَا لَادْنْ أَدْ ضَرُوتْ أَكَالْ دْ لَبْحَرْ. <sup>٣</sup> إِنَّا يِسْنَتْ: «أَدْ أُورْ تَضْرُومْتْ أَكَالْ أَلَا لَبْحَرْ أَلَا أَصْغَارْ، أَرْدْ نَرْشْمْ إِسْمَكَانْ نْ رَبِّي غْ إِكْنَرِي نْسْنْ. <sup>٤</sup> سَقْلَدْخْ فْ وَلِي تَيَّورْشَمِينْ إِسْ كَانْ مِيَا دْ سِينْ إِدْ عَشْرِينْ دْ كُوْرْ نْ وَالْفْ غْ إِفَاسْنْ نْ أَيْتْ إِسْرَائِيلْ كُلُوتْنْ: <sup>٥</sup> أَفُوسْ نْ يَهُوذَا تَيَّورْشَامِنْ كِيسْ سِينْ دْ مَرَاوْنْ وَالْفْ. أَفُوسْ نْ رَأْوِيَنْ تَيَّورْشَامِنْ كِيسْ سِينْ دْ مَرَاوْنْ وَالْفْ. أَفُوسْ نْ جَادْ تَيَّورْشَامِنْ كِيسْ سِينْ دْ مَرَاوْنْ وَالْفْ. <sup>٦</sup> أَفُوسْ نْ أَشِيرْ تَيَّورْشَامِنْ كِيسْ سِينْ دْ مَرَاوْنْ وَالْفْ، أَفُوسْ نْ نَافَتَالِي تَيَّورْشَامِنْ كِيسْ سِينْ دْ مَرَاوْنْ وَالْفْ. أَفُوسْ نْ مَنَسَا تَيَّورْشَامِنْ كِيسْ سِينْ دْ مَرَاوْنْ وَالْفْ. <sup>٧</sup> أَفُوسْ نْ شَمْعُونْ تَيَّورْشَامِنْ كِيسْ سِينْ دْ مَرَاوْنْ وَالْفْ، أَفُوسْ نْ لَاوِي تَيَّورْشَامِنْ كِيسْ سِينْ دْ مَرَاوْنْ وَالْفْ. أَفُوسْ نْ يَسَّاكرْ تَيَّورْشَامِنْ سِينْ دْ مَرَاوْنْ وَالْفْ. <sup>٨</sup> أَفُوسْ نْ زَابُولُونْ تَيَّورْشَامِنْ كِيسْ سِينْ دْ مَرَاوْنْ وَالْفْ. أَفُوسْ نْ يُوسُفْ تَيَّورْشَامِنْ كِيسْ سِينْ دْ مَرَاوْنْ وَالْفْ. أَفُوسْ نْ بِنِيَامِينْ تَيَّورْشَامِنْ كِيسْ سِينْ دْ مَرَاوْنْ وَالْفْ.

<sup>٩</sup> سَمْوَقْلَخْ إِلْمَا أَرْ تَنَائِخْ تُوكْتْ نْ مَدْنْ أُورْ إِرْضَارْ يَانْ أَنَنْ إِحَاسِبْ، أَشْكَنْدْ غْ كُرِيَگَاتْ تَامَتِي دْ كُرِيَگَاتْ تَقْبِيلْ دْ كُرِيَگَاتْ لَكْسْ دْ كُرِيَگَاتْ تَتْلَيَتْ بِيدِنْ غْ لَكْدَامْ نْ لَعْرَشْ لِي دْ لَكْدَامْ نْ الْفَاغْ لِي، لَسْنْ كَرَا نْ تَمْلِسَا مَلُولِنِينْ أَسِينْ دِيدِسْنْ تَيَشْمِرِينْ نْ تَيَّيِنِي غْ إِفَاسْنْ نْسْنْ. <sup>١٠</sup> أَرْ أَقْرَانْ سْ كَرَا دَارْسْنْ أَرْتِتِينْ: «دَارْ رَبِّي نَخْ لِي يِنْكَأَورْنْ فْ لَعْرَشْ أَدَارْ إِلَا نَجَا دَارْ الْفَاغْ». <sup>١١</sup> بِدِنْتْ كُلُو لَمَلَيْكَا سُوْنَنْتْ إِلْعَرْشْ تَنْتِي دْ إِفْقِيرْنْ دْ كُوْرْتْ لَمْخُلُوقَاتْ لِي، كُنُونْ غْ لَكْدَامْ نْ لَعْرَشْ أَنْ سَجْدَنْ إِرْبِي. <sup>١٢</sup> أَرْتِتِينْ: «آمِينْ. لَحَمْ دْ لَمَجْدْ دْ لَحِكمَا دْ شُوكْرْ دْ شَانْ دْ لَادْنْ دْ لَجَهْدْ إِرْبِي لِي نَتَعَبَادْ تِينْ وَبَدَانْ. آمِينْ. <sup>١٣</sup> إِسْقَسِي يَانْ غْ إِفْقِيرْنْ لِي

يَنِّي: غُوِيدْ لَيْ لِسَنِينْ تَمْلِسَا تُومَلِيلِينْ، مَادْ كَانْ؟ دَمَنِيدْ كَانْ؟»<sup>14</sup> وَاجْبَحْ أَسْدْ: «كِيَنْ أَسِيدِي أَيْسِنْ». إِنَّا يَنِّي: «غُوِيدْ كَانْ وَيلِيدْ أَشْكَنِينْ غْ تَسَاسْتْ مَقْوِرْنْ، سِيرْدَنْ لَكْسُوتْ نِسْنْ تَمْلِسَا نِسْنْ غْ إِدَامَنْ نْ الْقَاغْ<sup>15</sup> غَانْ أَفْ لَانْ غْ لَكْدَامْ نْ لَعْرَشْ نْ رَبِّي، أَرْتْ تَعْبَادْنْ ضَيْبِيسْ دْ أَزَالْ، وَلَيْ يَنْكَلْوْرَنْ فْ لَعْرَشْ رَاتَنْ إِسْنَنْ سْ أَخِيَامْ نِسْنْ».<sup>16</sup> لَازْ أُورْ سَارَتَنْ سُولْ يَاغْ، أَلَا إِرَفَانْ، أُورَاتَنْ تُوتْ تَقْوَكْتْ أَلَا كَرَانْ لَحْمَا، يَصْنِينْ.<sup>17</sup> أَشْكُو الْقَاغْ لَيْ يَلَانْ غْ تُرْوَمْتْ نْ لَعْرَشْ إِكْسَاتَنْ أَكَانْ، أَرَاسَنْ إِزْكُورْ سْ إِغْبُولَانْ وَمَانْ دَرَنِينْ، رَبِّي رَأِيْسَقْضَنْ كُرِيْكَاتْ أَمْطَانْ غْ وَالَّنْ نِسْنْ».

8

### إِفْرُ وِيسْ تَامْ

<sup>1</sup> لَيْغْ إِرْزَمْ الْقَاغْ وِيسْ سَا رَشُومْ ثَبِي لَحْسْ غْ إِكْنَوَانْ كَرَانْ أُوزْكُنْ نْ سَاعَتْ. <sup>2</sup> أَنِيْخْ سَاتْ لَمَلَائِكَةِ لَيْ تَبْدَدَنِينْ غْ لَكْدَامْ نْ رَبِّي، تَقْكَانْ أَسْنْ سَا لَابَوَاقْ.<sup>3</sup> يَاشْكَدْ يَانْ لَمَلَاكْ يَصْنِينْ يَسِيدْ دِيدِسْ يَاتْ تَلْمَبْخَرْتْ نْ وُورْغْ، إِبْدْ غْ تَمَانْ أَمْغَرِيشْ، تَقْكَ أَسْ تُوكْتْ نْ لَبْخُورْ أَنِيْنْ إِفْكَ نَتَانْ طَرْلَانْ أَيْتْ رَبِّي كَلُونْ فْ أَمْغَرِيشْ نْ وُورْغْ لَيْ يَلَانْ غْ لَكْدَامْ نْ لَعْرَشْ لَيْ.<sup>4</sup> يَاوْنْ وَكُوْنْ لَبْخُورْ طَرْلَانْ أَيْتْ رَبِّي غْ أَفُوسْ نْ لَمَلَاكْ سْ لَكْدَامْ نْ رَبِّي.<sup>5</sup> يَامَرْدْ لَمَلَاكْ تَلْمَبْخَرْتْ لَيْ يَعْمَرْتْ سْ لَعْفِيتْ نْ أَمْغَرِيشْ إِلْوَحْتِيدْ سْ وَكَالْ، تَلِي لَحْسْ إِكْوَنْ دِإِكِيْكَنْ دِأَسْمَانْ دِزْلَانْ.

<sup>6</sup> نَكْرِنْتْ سَاتْ لَمَلَائِكَةِ لَيْ يُوجَادِنْتْ أَدْ صُواضِنْتْ سَا لَابَوَاقْ لَيْ دَارْسَنْتْ إِلَانْ.<sup>7</sup> إِصُوضْنْ لَمَلَاكْ أَمْزُورُو غْ نَفَارْ نِسْ، يِلِيدْ إِبْرُورِي دِلَعْفِيتْ خَلْصِنِينْ دِإِدَامَنْ، ضَرْنَدْ سْ وَكَالْ إِجْدَرْ تَلَتْ نْ أَصْغَارْ، تَجْدَرْ كُلو تُوكْتْ وَكَالْ إِيزِكْزَأَوْنْ.

<sup>8</sup> إِصُوضْنْ لَمَلَاكْ وِيسْ سِينْ غْ نَفَارْ نِسْ، إِضْرَنْ كَرَانْ غْ لَبْحَرْ زُونْدْ أَدْرَارْ مَقْوِرْنْ غْ تُرْغَا لَعْفِيتْ تَكْ تَلَتْ نْ لَبْحَرْ إِدَامَنْ.<sup>9</sup> تَمْتْ تَلَتْ نْ لَمْخُلُوقَاتْ دَرَنِينْ لَيْ لَانِينْ غْ لَبْحَرْ تُرْزْ تَلَتْ نْ سَفَاهِينْ.<sup>10</sup> إِصُوضْنْ وِيسْ كَرَاضْ غْ نَفَارْ نِسْ، إِضْرَضْ يَانْ إِتْرِي مَقْوِرْنْ غْ إِكْنَوَانْ زُونْدْ أَسَافُو إِرْغَانْ إِضْرَضْ فْ تَلَتْ نْ إِسَافَنْ دِإِغْبُولَانْ وَمَانْ.<sup>11</sup> إِكْ إِسْمْ نْ إِتْرِي أَدْ «أَلِيلِي» كَنْ تَلَتْ نْ وَمَانْ أَلِيلِي، مَتَنْ كِيَكَانْ دِمَنْ لَيِّنْ سُوَانِينْ أَشْكُو رَزَّاكْنْ.<sup>12</sup> إِصُوضْنْ لَمَلَاكْ وِيسْ كُورْ غْ نَفَارْ نِسْ تَنْتَوْتْ تَلَتْ نْ تَقْوَكْتْ دِتَلَتْ نْ وَيُورْ دِتَلَتْ نْ إِنْرَانْ، أَبِلِيْغْ تَكَانْ تَلَتْ نْ نِسْنْ تَلَاسْ، تَلَتْ نْ أَزَالْ أُورْ سُولْ أَغْ تَسْوُفُو غَمْكَانْ دِضَيْبِيسْ أَلَا نَتَانْ.<sup>13</sup> سَمُوقَلْخَنْ سَقْلَدْخَنْ إِيَانْ لَمَلَاكْ أَرْ إِتَيَالْ غْ تُرْوَمْتْ نْ إِكْنَوَانْ أَرْ يَقْرَانْ كَرَانْ دَارَسْ أَرْ إِتِّي: «تَجْرَا كِيُونْ، تَجْرَا كِيُونْ! تَجْرَا كِيُونْ أَيْمَرْدَاغْنْ نْ وَكَالْ إِغْ إِدَا أَرْدْ سَاوْلَنْ وِيسْ كَرَاضْ لَابَوَاقْ لَيْغْ رَانْ صُوضْنْ كَرَاطْ لَمَلَائِكَةِ لَيْ غَمَنِينْ.

## إِفْرُ وِيسَ طَرَا

<sup>١</sup> إِصُوضَنْ لِمَلَكْ وِيسَ سَمُوسْ غْ نَفَارْ نَسْ، أَنِيْخَ يَانْ إِتْرِي إِضْرَضْ غْ إِكْنُوَانْ سْ وَكَالْ، تَفَكْ أَسْ تَسَارُوتْ نْ وَنُو نْ لِبَهْمُوتْ. <sup>٢</sup> إِرْزْمْ أَنُو نْ لِبَهْمُوتْ إِغْلِيدْ كِيسْ وَكُو زُونْدْ لَكُو نْ كَرَا أَفْرَانْ مُقُورْنْ، تَلَاسْ تَفُوكْتْ دْ أَفْلَا وَكَالْ سْ وَكُو نْ وَنُو لَيْ. <sup>٣</sup> تَفَغْدْ كَرَا نْ تَمُورْغِي غْ وَكُو لَيْ تَتَرَسْ فْ وَكَالْ، إِتْفَكْ أَسْ لَجْهَدْ زُونْدْ وِينْ إِغْرِضْمِيونْ نْ وَكَالْ. <sup>٤</sup> إِتِيمَارْ أَسْ أَدْ أُورْ تَضْرُو تُوكَا نْ وَكَالْ، أَلَا كَرَا إِزْكَرَأَونْ، أَلَا كَرَا نْ أَصْغَارْ، أَبْلَا مَدْنَ لَيْ أُورْ طَفَنِينْ رَشْمْ نْ رَبِّي غْ إِكْنِزِي نَسْنْ. <sup>٥</sup> إِتْفَكْ أَسْ أَتَنْ أُورْ تَنَفَّا مَشْ أَتَنْ تَسْرُفُونْ سَمُوسْ بِيرْنْ. كَنْ إِنْكَارَنْ نَسْ زُونْدْ وِينْ إِغْرِضْمِ. <sup>٦</sup> أَسَانْ أَنْ رَأِيْ كِيسْ تَضَلَّابْ مَدْنَ لَمُوتْ أُورْتْ أَفْينْ، أَرْ سِكِيلْنْ أَكَا مَتْنَ أَرْكِيسْنْ تَرْكِلْ لَمُوتْ. <sup>٧</sup> تَكْ تَمُورْغِي لَيْ زُونْدْ إِيْسَانْ سَكْرِينْ فْ تَمِيغْتْ، إِخْفَاؤْنْ نَسْ لَانْ فَلَاسْ زُونْدْ إِدْ تَاجْ نْ وُورْغْ، أَدْمَاءُونْ نَسْ زُونْدْ وِينْ مَدْنَ. <sup>٨</sup> تَطَافْ أَزَارْ زُونْدْ وِينْ تَمْغَرِينْ، أَخْسَانْ نَسْ زُونْدْ وِينْ إِزْمَاءُونْ. <sup>٩</sup> دَرْوَعْ نَسْ زُونْدْ دَرْوَعْ نْ وُوزَآلْ، لَحْسْ نْ لَارِيَاشْ نَسْ زُونْدْ لَحْسْ نْ لَكْرَارْسْ نْ إِيْسَانْ كَوْتِينْ إِغْ أَتَرَالْنْ سْ تَمِيغْتْ. <sup>١٠</sup> تَطَفْ تَمْغَالْ غْ لَانْ إِسْوَفَاسْ زُونْدْ وِينْ إِغْرِضْمِيونْ، تَطَفْ لَجْهَدْ غْ تَمْغَالْ نَسْ مَاسْ تَسْرُفُونْ مَدْنَ سَمُوسْ بِيرْنْ. <sup>١١</sup> يَلِي فَلَاسْ لِمَلَكْ نْ لِبَهْمُوتْ إِكْ فَلَاسْ أَكْلِيدْ، إِسْمْ نَسْ سْ وَالْ نْ لَعِيرِيَا «أَبْدُونْ» إِكْ سْ وَالْ نْ لَيْتْ لِيُونَانْ «أَبُولِيُونْ». <sup>١٢</sup> تَرِري لَمْصِيبَتْ إِزْوَارْنْ، إِرِينْتْ أَسْتِيَّدْ صَفُورِنْتْ سَنَاتْ يَاضْنْ. <sup>١٣</sup> إِصُوضَنْ لِمَلَكْ وِيسَ سَضِيقْ غْ نَفَارْ، سَفَلَدْخْ إِيَاتْ لَحْسْ تَقْوَغْدْ غْ كُوژْ وَسَكِيُونْ نْ أَمْغَرِيشْ نْ وُورْغْ لَيْ يَلَانْ غْ أَمْنِيدْ نْ رَبِّي، <sup>١٤</sup> إِنَّايسْ إِلْمَالَكْ لَيْ وِيسَ سَضِيقْ لَيْ دَارْ نَفَارْ: «رَزْمْ إِكُوصْتْ لِمَلَيْكَا لَيْ تَكْرِفِنِينْ غْ دَارْ وَسِيفْ مُقُورْنْ نْ لَفُورَاتْ». <sup>١٥</sup> نُورْزِمَنْدْ كُوصْتْ لِمَلَيْكَا لَيْ يُوجَادِنْ إِتَسَاعْتْ أَنْ دْ وَاسْ أَنْ دْ وَبِورْ أَنْ دْ أَسْكَاسْ أَنْ أَدْ نَغْنْ تَلَّتْ نْ مَدْنَ. <sup>١٦</sup> إِكْ لَجِيشْ نْ إِمْنَائِينْ سَنَاتْ إِدْ مِيَا نْ إِدْ مِلْيُونْ، نَكِي سَفَلَدْخْ إِغُونْشَكْلِي كَانْ. <sup>١٧</sup> ثَرْخْ غْ تُوَزْرَا نُو إِيْسَانْ دْ إِمْنَائِينْ نَسْنْ، دَرْوَعْ نَسْنْ زَكَاغْنْ زُونْدْ لَعْقِيْتْ ثَرْقَنْ إِورِيغْنْ زُونْدْ لَكْبِرِيتْ، إِخْفَاؤْنْ نَسْنْ زُونْدْ وِينْ إِزْمَاءُونْ، إِمَاءُونْ نَسْنْ أَرْدْ كِيسْ تَقْوَغْ لَعْقِيْتْ دْ وَكُو دْ لَكْبِرِيتْ. <sup>١٨</sup> كَرْأَطْ أَدْ أَسْ مُوتْنْ تَلَّتْ نْ مَدْنَ، لَعْقِيْتْ دْ وَكُو دْ لَكْبِرِيتْ لَيْدِ إِتَفْغَنْ غْ إِمَاءُونْ نَسْنْ. <sup>١٩</sup> لَجْهَدْ نْ إِيْسَانْ أَنْ إِلَا غْ إِمَاءُونْ نَسْنْ دْ تَمْغَالْ نَسْنْ، أَشْكُو تَمْغَالْ نَسْنْ زُونْدْ إِيْنَكَالْ، طَافَتْ إِكْوِيَا لَيْ سْ أَتَضْرُونْتْ. <sup>٢٠</sup> وَلِيدْ غَمَنِينْ غْ مَدْنَ أُورْ مُوتْنْ سْ لَمْصَائِبْ أَدْ، أُورْدْ وُورِيَنْ غْ أَلِيَ سَكَارْنْ سْ إِفَاسْ نَسْنْ، غَمَانْ أَرْ أَكَانْ سُولْ تَعَبَّادَنْ شَيَاطِينْ دْ لَاصْنَامْ نْ وُورْغْ دْ نَقْرَتْ دْ وَنَاسْ دْ أُورْزِرُو دْ أَكْشُوضْ مَقَارْ أُورْ رَضَارْنْ أَدْ سَمُوقُولْنْ أَلَا دْ سَقْلِيدِنْ أَلَا دْ زَكِيزْنْ. <sup>٢١</sup> أُورْدْ وُورِيَنْ غْ أَدْ نَقَانْ وِيَاضْ أَلَا وَرِينْدْ غْ سِيَحْ دْ زَنَا تَمَحَّارتْ لَيْ سَلَانْ.

## إِفْرُ وِيسَّ مِرَاوَ

<sup>١</sup> أَنِيْخُ إِلْمَّا يَانْ لَمَلَكْ يَضْنِينْ إِلْوَسْنْ إِكُوزْدْ غُ إِكْنُواْنْ، إِلْسْ يَاتْ تَمْدُلُوتْ، تِلِي يَاتْ تَسْلِيتْ نْ أَنْزَارْ فْ أَفْلَا نْ إِحْفَ نْسْ، أُودْمْ نْسْ زُونْدْ تَقْوَكْتْ، إِصَارَنْ نَسْ زُونْدْ سَنَاتْ تَغَارُوْيِنْ نْ لَعْقِيْتْ. <sup>٢</sup> يَسِي دِيدْسْ غُ أَفُوسْ نْسْ يَانْ وَرَأْ مَرْيِنْ إِرْزَمْنْ، إِكْنَ أَصَارَنْ نْسْ أَفَاسِيْ فْ لَبْحَرْ إِكْنَ أَرْلَمَاضْ فْ وَكَالْ. <sup>٣</sup> إِكْسْ يَاتْ تَعْوِيْتْ مَقْوَرْنْ زُونْدْ إِغْ أَيْنَدْ إِزْمْ، لَيْغْ إِسَاوْلْ سَاوْلْ سَا يَكِيْغْنْ لِي، إِرْيَخْ أَدْ تَرَاخْ، سْ سَفْلَدْخْ إِيَانْ وَوَالْ إِكَادْ إِكْنُواْنْ إِنِيْيِ: «رَشْمْ أَيْلِي سْ نَانْ إِكِيْغْنْ مَشْ أَتْ أُورْ تَرَاتْ». <sup>٤</sup> لَمَلَكْ لِي ثَرِيْخْ إِبِيدْ فْ لَبْحَرْ دْ وَكَالْ، يُولَّ أَفُوسْ نْسْ إِكْنُواْنْ. <sup>٥</sup> إِكَالْ سْ وَلِي بَدَّا إِرْنْ تِينْ وَبَدَانْ، وَلِي يَخْلُقْنْ إِكْنُواْنْ دْ وَكَالْ دْ لَبْحَرْ أَلَا مَكِيْسْنْ إِلَانْ: أُورْ سَارْ سُولْ إِتَسِيْ لَاجَالْ. <sup>٦</sup> وَلَائِنِي أَكَا لَكْمَنْ أُسَانْ لَيْغْ رَايْصُوضْ لَمَلَكْ وِيسَّ سَا لَابْوَاقْ نْسْ، رَايِلِي أَيْلِي يَحْضَا رَبِّي، غَمْكَلِي سَرْسْ إِبِشْرْ إِسْمَكَانْ نْسْ غُ لَانِيَّا. <sup>٧</sup> إِسَاوْلَدْ دَاخْ سَرِّي وَوَالْ لِي غُ إِكْنُواْنْ إِنِيْيِ: «زَايْدْ تَسِيدْ أَرَّا أَنْ مَرْيِنْ إِرْزَمْنْ غُ أَفُوسْ نْ لَمَلَكْ لِي يَبِيدَنْ فْ لَبْحَرْ دْ وَكَالْ». <sup>٨</sup> دُوْخْ دَارْ لَمَلَكْ لِي إِنِيْخْ أَسْ: «فَكِيْدْ أَرَّا نَا مَرْيِنْ» إِوْجَبِيدْ: «أَسِيْتْ تَشَتَّتْ، هَتِي رَايْسَحْرُو أَدِيسْ نُكْ، مَشْ إِمِي نُكْ رَأْ كِيسْ يَمِيمْ زُونْدْ تَامَنْتْ. <sup>٩</sup> أَسِيْدْ أَرَّا لِي مَرْيِنْ غُ أَفُوسْ نْ لَمَلَكْ لِي شَخْتْ يَمِيمْ غُ إِمِي نُو زُونْدْ تَامَنْتْ لَيْغْ زَرِيْخْ إِحْرُو إِلْمَّا غُ أُوْحَلِيْكْ إِنُو. <sup>١٠</sup> إِنِيْيِ: «إِخْسَاكْ أَدَّاخْ تَسَاوْلَتْ فْ أَيْلِي يَاكْ إِسْعَلْمْ رَبِّي فْ تُوكْتْ نْ لَكْنُوسْ دْ تَمْتَوْيِنْ دْ تَتْلَاهِيْنْ دْ إِكْلَدانْ.

## إِفْرُ وِيسَّ يَانْ دْ مِرَاوَ

<sup>١</sup> تَفْكِيْ يَاتْ تَغْنِيْمَتْ زُونْدْ تَكُورَايْتْ، إِبَدْ لَمَلَكْ أَنْ إِنِيْيِ: «نَكْرْ تَسْغَلْتْ لَهِيْكَلْ نْ رَبِّي دْ أَمْغَرِيْصْ تَحَسِبْتْ وَلِي گِيسْ تَعْبَدِيْنِ. <sup>٢</sup> وَلَائِنِي أَسَرَاكْ نَا إِلَانْ غُ بَرَّا نْ لَهِيْكَلْ أَتْ أُورْ تَسْغَلْتْ، أَجْتْ أَشْكُو إِنْقَكَا إِلْكُنُوسْ، هَتِي رَادْ تَاكَلْنْ فْ تَمْدُنْتْ إِتَيْوَقْدَسْنْ كَرَانْ سِينْ إِدَ عَشْرِينْ دْ سِينْ نْ وَيُورْ: رَادْ فَكْخْ لَجْهَدْ إِيَنِكَانْ إِنُو سِينْ، أَدْ سَوَالْنْ سْ أَيْلِي يَاسِنْ إِسْعَلْمْ رَبِّي الْفْ دْ سَنَاتْ إِدْ مِيَا دْ كَرَاصْ إِدَ عَشْرِينْ نْ أَسْكَاسْ، لَسِنْ أَفْشَابْ نْ شَعْرْ». <sup>٤</sup> سِينْ إِنِكَانْ أَدْ، كَانْ سَنَاتْ تَرَيْيِنْ دْ سِينْ لَفَنَارَاتْ لِي بَدِينْ غُ أَمِيدْ نْ بَابْ نْ وَكَالْ. <sup>٥</sup> إِغْ إِرَّا كَرَانْ يَانْ أَتَنْ إِضْرُو، أَرْدْ تَقْعَ لَعْقِيْتْ غُ إِمَاوَنْ نَسِنْ أَرْ تَشْتَ لَعْدُو نَسِنْ. كُولْ مَايَرَانْ أَتَنْ إِضْرُو، <sup>٦</sup> يِلِي دَارْسْنْ لَادَنْ غُ أَدْ قَنْ إِكْنُواْنْ أَسُولْ أُورْ يِلِي أَوْنَزَارْ غُ أُسَانْ لَيْغْ أَسَوَالْنْ سْ أَيْلِي يَاسِنْ إِسْعَلْمْ رَبِّي، يِلِي دَارْسْنْ لَادَنْ فْ وَمَانْ أَتَنْ گَنْ دِ إِدَمَنْ، دِ أَدْ أَوْتَنْ أَكَالْ سْ كَرِيْكَاتْ تِيْتِي لَوْقَتْ نَا رَانْ. <sup>٧</sup> تَرِي نَا كَمْلَنْ تُوكَّا نَسِنْ، رَادِ دِيدْسْنْ إِمَاغْ لَوْحَشْ لِي رَادْ إِغْلِي غُ لَبْهَمُوتْ إِنْرُوتَنْ إِنْغَتَنْ. <sup>٨</sup> ضَرْنَتْ إِدْ دَاتْ

نْسَنْ سَنَاتْ غْ أُسَرَاكْ نْ تَمْدِنْتْ مَقْوِرْنْ لَيْ يِكَانْ سْ لَمْعَنَا سَدُومْ نْغْ مَصْرْ، غَلِيغْ صَلَبْنْ سِيدِيَتْسِنْ أَلَا نَتَانْ.  
<sup>9</sup> أَرْ سَمُوقُولْنْ مَدَنْ غْ كُرِيَگَاتْ لَكْنَسْ دْ كُرِيَگَاتْ تَقَبِيلْتْ دْ كُرِيَگَاتْ تَتْلَاهِتْ دْ كُرِيَگَاتْ تَامَتْيْ غْ إِدْ دَاتْ  
نَسْ كُرَاضْ أَسَانْ دْ أُوزَكْنْ، أُورَادْ أَجْنْ يَانْ أَتَتِينْ إِمْضِلْ. <sup>10</sup> رَادْ أَسَنْ فَرْحَنْ إِمْزَادَاغْنْ نْ وَكَالْ يَانْ لَفْرَخْ  
إِكْوَنْ، أَرْ أَكَانْ تِيسِمُغُورِينْ إِينِكَرَاسْنْ أَشْكُو سِينْ إِدْ نِبي يَادْ سَرْفُونْ بَهْرَا إِمْزَادَاغْنْ نْ وَكَالْ. <sup>11</sup> لَيْغْ إِلْمَا  
زَرِينْ كُرَاضْ أَسَانْ لَيْ دْ أُوزَكْنْ، إِكْشِمَتْتْ رُوحْ نْ تُودْرَتْ غْ دَارْ رَبِّي، بِيدَنْ فْ إِصَارَنْ نَسْنْ. كُشْمَنْتْ  
تَكْصَاصْ گُوتِينْ وَلَيْ گِيسْنْ سَمُوقُولْنِينْ. <sup>12</sup> سَقْلَنْ إِيَانْ وَوَالْ يَتُوينْ غْ إِكْنَوَانْ أَرَاسْنْدْ إِتَنِيْ: «غَلِي يَادْ سْ  
غِيدْ» غَلِينْ سْ إِكْنَوَانْ فْ يَاتْ تَمْدُولْتْ، أَرْتَنْ سَمُوقُولْنْ وَلَيْ گِينِنْ لَعْنُو نَسْنْ. <sup>13</sup> تَسَاعْتْ أَنْ أَيْلَا يَانْ  
زَلْزَالْ إِكْوَنْ، إِخْلُو تِيسْ مَرَاوْتْ تَوَالْ نْ تَمْدِنْتْ لَيْ، إِنْغْ زَلْزَالْ سَا وَلَفِيونْ نْ مَدَنْ. وَلَيْ غَمَنِينْ كُشْمَنْتْ  
تَكْصَاصْ، أَرْ تَمْجَادْنْ بَابْ نْ إِكْنَوَانْ. <sup>14</sup> تَرْرِي تِيسْ سَنَاتْ لَمْصَايِبْ، تِيسْ كَرَاطْ لَمْصَايِبْ تَكَادْ أَغْرَاسْ.  
إِصُوضَنْ لَمَلاَكْ وَيِسْ سَا غْ نَفَارْ نَسْ، يَلِي كَرَا نْ وَوَالْ إِكْوَنْ غْ إِكْنَوَانْ أَرْ إِتَنِيْ: «كَانْتْ تَكْلَدَاهِيْ نْ  
دُونِيتْ تِينْ سِيدِيَتْتَخْ دْ لَمَسِيحْ نَسْ، رَأْيَامَزْ تَكْلِيدِتْ نَسْ تِينْ وَبَدَانْ». <sup>16</sup> كُنُونْ عَشْرِينْ دْ كُوْزْ نْ أَفْقِيرْ لَيْ  
گَوْرِنِينْ فْ إِدْ لَعْرَشْ نَسْنْ غْ أُمَنِيدْ نْ رَبِّي سَجْدَنْ أَسْ. <sup>17</sup> أَرْتَتِينْ: «أَرْكْ نَتْشَكَارْ أَسِيدِي رَبِّي لَيْ يِزْضَارَنْ  
إِكْرِيَگَاتْ، وَلَيْ يَلَانْ دْ وَلَيْ سَتِينْ إِكَانْ إِلَا دْ وَلَيْ رَادْ يَاشْكْ، أَشْكُو تُومَرْتْ لَجَهْ نَكْ مَقْوِرْنْ تَكْتْ أَكْلِيدْ.  
غَضِيبْ لَكْنُوسْ، يَاشْكْ لَغَضَبْ نَاْكْ دْ تِري لَيْغْ رَاتَهَاسِبْتْ وَلَيْ مُوتِينْ، تَقْكَتْ تَغْرَاضْ نَسْنْ إِيسِمْكَانْ نَكْ  
غْ لَانِبِيَا دْ وَلَيْ گِينْ وَيِنْكْ إِكْصَاصْنْ إِسْمْ نَكْ، غْ مَائِيمِرِينْ أَلَا مَائِمَقْوِرْنْ، تَتْغَتْ وَلَيْ خَلُونِينْ أَكَالْ. <sup>19</sup> تَرْزِمْ  
تَكْمِيْ نْ رَبِّي غْ إِكْنَوَانْ، إِيَانِيدْ صَنْدُوقْ نْ لَعْهَدْ نَسْ غْ لَهِيَكْلْ نَسْ، إِلِينْ أَسْمَانْ دْ كَرَا نْ إِدْ لَحْسْ دْ إِكِيْگَنْ  
دْ زَلْزَالْ دْ تُوكْتْ نْ إِلْرُورِي.

12

## إِفْرْ وَيِسْ سِينْ دْ مَرَاوْ

<sup>1</sup> تَبَأْيَنْدْ يَاتْ تَمَتَارْتْ بَهْرَا مَقْوِرْنْ غْ إِكْنَوَانْ. يَاتْ تَمَغَارْتْ إِلْسَانْ تَقْوَكْتْ، يَلِي وَيُورْ غْ دُو إِصَارَنْ نَسْ،  
يَلِي فْ إِخْفْ نَسْ يَانْ تَاجْ نْ سِينْ دْ مَرَاوْ نْ إِتْرِي، <sup>2</sup> تَسِي أَحْلِيَگْ أَرْ تَسْغُويُو أَشْكُو يُومَرْتْ أَنْكَازْ عَلَيْنْ  
أَتَرُو. <sup>3</sup> إِمِيكْ تَبَأْيَنْدْ تَمَتَارْتْ يَضْنِينْ غْ إِكْنَوَانْ: يَاتْ لَهِيشْتْ مَقْوِرْنْ إِرْكَاغْنْ، تَطْفَ سَا نْ إِخْفَالُونْ دْ مَرَاوْ  
وَسَكِيُونْ، إِلِينْ سَا نْ إِدْ تَاجْ فْ إِخْفَالُونْ نَسْ. <sup>4</sup> تَجُوغرْ سْ تَمْغَالْتْ نَسْ تَلْتْ نْ إِتْرَانْ غْ إِكْنَوَانْ تَلْوَحْتَنْ سْ  
وَكَالْ. تَبِيدْ لَهِيشْتْ لَيْ غْ لَكْدَامْ نْ تَمَغَرْتْ لَيْ عَلَيْنْ أَيْرُو، أَدَاسْ تَشْ أَرَأَوْ نَسْ إِغْتْ تُورُو. <sup>5</sup> تَرُو يَانْ  
وَرَأَوْ إِكْ أَوْتَمْ إِكْ وَلَيْ رَأْيَتْكَامْ فْ لَكْنُوسْ كُلُونْ سْ تَكُورَائِتْ نْ وُوزَالْ. وَلَائِنِي أَرَأَوْ أَدْ إِتَنِيَيْ سْ  
دَارْ رَبِّي دْ لَعْرَشْ نَسْ. <sup>6</sup> تَرْوُلْ تَمَغَرْتْ لَيْ سْ لَخْلَا، غَلِيغْ أَسْ بَيْوْجَادْ رَبِّي مَاغْ أَتَلِي تَعِيشْ گِيسْ كَرَا نْ  
وَالْفْ دْ سَنَاتْ إِدْ مِيَا دْ كُرَاضْ إِدْ عَشْرِينْ نْ وَاسْ.

<sup>7</sup> تَتَكَرُّرْ تَمِيغْتُ عَ إِكْنُوَانْ: إِمَّاْعُ مِيَخَائِيلْ دَ لَمَلَائِكَا نَسْ، <sup>8</sup> وَلَائِنِي أُورْ أَسْنْ رُضَارْنْ، إِفْتُو يَسْنْ إِدِيسْ نَسْنْ عَ إِكْنُوَانْ. <sup>9</sup> مِشْ تَضْرِضْ لَهِيشْتُ أَدْ مَقْوَرْنْ، لَيْ يِنْگَانْ الْكَمَاضْ أَقْدِيمْ لَيْ مِ تَنْبِينْ إِبِلِيسْ دَ شِيَطَانْ، وَلَيْ يِجْلُونْ أَيْتْ دُونِيتْ كُلُونْ إِضْرِضْ سْ وَكَالْ، ضَرْنَدْ دِيدِسْ لَمَلَائِكَا نَسْ. <sup>10</sup> سَفْلَدْخْ إِيَانْ وَوَالْ يَتُوينْ عَ إِكْنُوَانْ أَرْ إِتِي: «غَلَادْ يُوشَكَادْ نَجَا دَ لَجَهْ تَكْلِدِيتْ نْ رَبِّي، دَ لَاحْكَامْ نْ لَمَسِيْحْ نَسْ، أَشْكُو إِضْرِضْ وَلَيْ يِتَشَكَّانْ سْ أَيْتَمَاتْخْ، وَلَيْ سَرْسْنْ إِتَشَكَّانْ غَ أَمْتِيدْ نْ رَبِّي ضَيِّصْ دَ أَزَالْ. <sup>11</sup> نَرَانْتْ سْ إِدَامَنْ نْ الْقَاعْ دَ وَالْ نْ تُوكَأْ نَسْنْ، أُورْ دَارْسْنْ تَعْرِي تُودِرْتْ نَسْ مَقَارْ رَادْ مَنْ: <sup>12</sup> غَانْ أَفْ تَقْرَاحْ أَيْكَنْوَانْ، تَقْرَحْ أَولِي گِيَسْنْ لَانِينْ. وَلَائِنِي تَجْرَأْ غَ إِمْرَدَاغْنْ نْ وَكَالْ دَ لَبْحَرْ، أَشْكُو إِبِلِيسْ إِكْوَزْدْ سَرْوَنْ إِكَا كُلُو لَغَضَبْ! أَشْكُو إِسْنْ أَسَانْ نَسْ إِسْ لَانْ تَمَا».

<sup>13</sup> لَيْغْ تَزْرَا لَهِيشْتْ إِحْفْ نَسْ تَضْرِضْ سْ وَكَالْ، تَتَكَرُّرْ تُزْرُو غَ تَمْغَرْتْ لَيْ يُرُونْ أَرَاؤْ نَسْ لَيْ يِنْگَانْ أَوْتِمْ، <sup>14</sup> تَفَكَّنْتْ تَقْرَأَوِينْ نْ إِكِيدْرْ مَقْوَرْنْ إِتَمْغَرْتْ لَيْ، أَسَرْسْنْ تَيَالْ سْ غِلِيْغْ أَتَلِي غَ لَخْلَا، غِينْ أَغْ تَعِيشْ أَسْكَاسْ دَ سِينْ إِسْكَاسْ دَ أُوزْكَنْ نْ أَسْكَاسْ، أَسْتَ أُورْ إِلْكَمْ الْكَمَاضْ. <sup>15</sup> إِسْوَفْدْ الْكَمَاضْ لَيْ غَ إِمِي نَسْ تُوكَتْ نْ وَمَانْ زُونْدْ أَسِيفْ إِضْقُورْ تَمْغَرْتْ لَيْ أَسْتَ يِسِي يَوِيتْ. <sup>16</sup> وَلَائِنِي يَوْسْ وَكَالْ إِتَمْغَرْتْ أَنْ، إِرْزَمْدْ إِمِي نَسْ إِسْوَ أَسِيفْ نْ وَمَانْ لِيدْ تَسُوفْغْ لَهِيشْتْ لَيْ غَ إِمِي نَسْ. <sup>17</sup> تَغْضَبْ إِلْمَا لَهِيشْتْ لَيْ فَتَمْغَرْتْ أَنْ، تَتَكَرُّرْ تَمَّاْغْ دَ وَمُودْ نَسْ غَ وَلَيْ سَكْرِنِينْ سْ لُوْصِيَاتْ نْ رَبِّي، إِلِينْتْ دَارْسْنْ تُوكَأْ نْ يَسُوعْ لَمَسِيْحْ.

13

## إِفْرُ وِيسْ كِرَاصْ دَ مَرَاوْ

<sup>1</sup> بِيدَخْ فَ أَمْلَالْ نْ لَبْحَرْ، سْ أَتَتَّاْيَخْ يَانْ خُوشِي إِيقَغْدْ غَ لَبْحَرْ، إِطَافْ سَا إِيْخَافَوْنْ دَ مَرَاوْ وَسَكِيُونْ، إِلِينْ مَرَاوْ إِدَ تَاجْ فْ وَسَكِيُونْ نَسْ، إِلِينْ إِسْمَاوْنْ نْ لَكُوفْرْ فْ إِخْفَاوْنْ نَسْ. <sup>2</sup> خُوشِي لَيْ زَرِيخْ إِكَا زُونْدْ وَكَرْزَامْ، إِضَارَنْ نَسْ زُونْدْ وَبَنْ إِفِيسْ، إِمِي نَسْ زُونْدْ إِمِي نْ إِرْمْ. تَتَكَرُّرْ لَهِيشْتْ لَيْ تَفَكْ أَسْ لَجَهْ نَسْ دَ لَعْرَشْ نَسْ دَ لَادْنْ مَقْوَرْنْ. <sup>3</sup> أَرْ تَتَّاْيَخْ يَانْ غَ إِخْفَاوْنْ نَسْ زُونْدْ إِغْ بَهْرَا إِتِيَّكَاسْ عَلَيْنْ أَيْمَتْ، وَلَائِنِي تَكَسْتْ نَسْ لَيْ رَاتْ إِنْغْ تَجْيِي يَاسْ. أَرْ كُلُو گِيَسْ تَعْجَابِنْ مَدَنْ غَ وَكَالْ نَكْرُنْ صَفُورْنْ خُوشِي لَيْ، أَرْ <sup>4</sup> تَعْبَادِنْ مَدَنْ لَهِيشْتْ لَيْ أَشْكُو تَفَكَا لَادْنْ نَسْ إِخْوَشِي لَيْ، أَرْ تَعْبَادِنْ خُوشِي أَنْ أَرْتِتِينْ: «مِيَكَانْ زُونْدْ خُوشِي أَدْ؟ مَايِزْ ضَارَنْ أَدِيدِسْ إِمَّاْغْ؟» <sup>5</sup> إِنْفَكَاسْ إِمِي مَاسْ إِسَوَالْ أَوَالْ نْ لَكِيَّرْ دَ لَكُوفْرْ، إِنْفَكَاسْ لَادْنْ أَيْسَكَارْ مَيَادْ سِينْ إِدَ عَشْرِينْ دَ سِينْ نْ وَيُورْ. <sup>6</sup> إِرْزَمْ إِمِي نَسْ أَرْ إِسَوَالْ أَوَالْ نْ لَكُوفْرْ فْ رَبِّي أَرْ إِرْكَمْ إِسْمْ نَسْ، تَكَمِّي نَسْ، دَ إِمْرَدَاغْنْ نْ إِكْنُوَانْ. <sup>7</sup> إِنْفَكَاسْ أَيْمَاغْ دَ أَيْتْ رَبِّي إِنْرُوتْنْ، إِنْفَكَاسْ لَادْنْ فَكَرِيَّكَاتْ تَقَبِيلْتْ دَ تُوتَلِيَتْ دَ كَرِيَّكَاتْ تَامَّتِي. <sup>8</sup> رَاتْ كُلُو تَعْبَادِنْ إِمْرَدَاغْنْ نْ وَكَالْ، وَلَيْ مِ أُورْ إِنْيُورِي

إِسْمُ نَسْنُ عَ وَرَانْ تُودْرْتُ، غَمْن لَيْغْ تَيْوَخْلَاقْ دُونِيتُ، أَرَانْ الْقَاعْ لَيْ يَتْغَرْصَنُ.<sup>9</sup> وَنَا دَارْ مَمْزُوغْ أَرْ إِسْقَلِيد!<sup>10</sup> وَنَا فَإِتْيُورَا أَيْنَغِي سَإِسْكَرَافْ رَا سَرْسَنْ إِتْغِي. وَنَا فَإِتْيُورَا أَيْمَتْ سَسِيفْ رَاسَرْسَنْ إِمَتْ. غِيدْ أَعْدْ إِتْبَيَانْ صِبَرْنَ أَيْتْ رَبِّي دَلِيمَانْ نَسْنُ.

<sup>11</sup> إِمِيكَ سَأَتَّا يَخْ يَانْ خُوشِي يَصْنِينْ إِفْعَدْ غَ وَكَالْ، إِطَافْ سِينْ وَسْكِيُونْ زُونْدْ الْقَاعْ، أَرْ إِسْوَالْ زُونْدْ كَرَا نْ لَهِيشْتَ،<sup>12</sup> إِسْخَدْمْ كُلُو لَادْنَ نْ خُوشِي لَيْ يَزْوَارْنَ، غَ لَكْدَامْ نَسْ، إِرَارْدْ أَكَالْ دَ إِمْرَدَاغْنَ نَسْ أَرْ تَعْبَادْنَ خُوشِي مَمْزُورُو، لَيْ مَ تَجِي تَكَسْتْ نَسْ لَيْ عَلَيْنَ أَتْ إِنْغَ،<sup>13</sup> أَرْ إِسْكَارْ لَمُوعَجَزَاتْ مَقْوَرْتِينْ، أَرْدْ أَكْ إِزْكُوزْ لَعَقِيْتْ غَ إِكْنَوَانْ سَ وَكَالْ غَ لَكْدَامْ نَ وَالَّنْ نْ مَدْنَ،<sup>14</sup> إِجْلُو إِمْرَدَاغْنَ نَ وَكَالْ سَ لَمُوعَجَزَاتْ لَيْ يَاسْ تَقْكِنِينْ أَتَنْتَ إِسْكَارْ غَ لَكْدَامْ نَ خُوشِي يَانْ، إِنَابِسْنَ إِيمْرَدَاغْنَ نَ وَكَالْ أَذْ سَكْرَنْ يَانْ صَنَمْ إِخُوشِي لَيْ تَيْنَ إِكَانْ إِتِيَّگَلَسْ سَسِيفْ سُولْ إِدَرْ.<sup>15</sup> إِتِفَكَاسْ أَدْ إِكْ رُوحْ غَ صَنَمْ نَ خُوشِي لَيْ، أَرْدْ إِسْوَالْ صَنَمْ نَ خُوشِي أَنْ، إِنْغَ وَلَيْ كُلُو وَكِنِينْ أَذْ تَعْبَادْنَ صَنَمْ نَ خُوشِي لَيْ.<sup>16</sup> إِسْغِي كُلُو إِيمَدْنَ: غَ مَائِمِزِينْ أَلَا مَائِمُوقُرْنَ، غَ وَلَيْ دَارْ لَابَاسْ أَلَا دَرَاوْشْ، غَ وَلَيْ كِنِينْ إِسْمَكَانْ أَلَا وَلِيَتْنَ أُورْ كِنِينْ، أَذْ إِلِينْ يَاتْ تَمَتَّارْتْ غَ أُفُوسْ نَسْنُ أَفَاسِيْ نَغْ إِكْنَزِيْ نَسْنُ.<sup>17</sup> أَرْدْ سُولْ أُورْ يَافْ يَانْ أَيْسْغْ أَلَا إِيْرَنْزْ، أَبْلَا إِغْ دَارْسْ تَمَتَّارْتْ أَنْ نَغْ إِسْمْ نَ خُوشِي لَيْ نَغْ نَمْرَا نَ إِسْمْ نَسْ.<sup>18</sup> غِيدْ أَغْ إِلْكَمْ يَانْ فَلَحِكْمَا. وَنَا دَارْ كَرَا نَ لَفْهَمْ إِحَاسْبْ نَمْرَا نَ خُوشِي أَنْ، أَشْكُو أَيْكَأَ دَنْمَرَا نَ أَفْكَانْ، نَمْرَا أَذْ تَنْكَا سَضِيْصَتْ إِدْ مِيَأَ دَ كَرَاضْ إِدَ عَشْرِينْ دَ سَضِيْصَنْ.

14

## إِفْرْ وِيسْ كُوژْ دَ مَرَاوْ

<sup>1</sup> سَمْوَقْلَخْ أَنِيْخْ يَانْ الْقَاعْ إِبِيدْ فَأُدْرَارْ نَ صَهِيْونْ، إِلِينْ دِيدْسْ مِيَأَ دَسِينْ إِدَ عَشْرِينْ دَ كُوژْ نَ وَالْفْ، لَيْ مِ يَتْيُورَا إِسْمْ نَسْ دَ إِسْمْ نَ بَابَاسْ فَإِكْنَزِيْ نَسْنُ.<sup>2</sup> سَقْلَدْخْ إِيَاتْ لَحْسَنْ غَ إِكْنَوَانْ زُونْدْ لَحْسَنْ نَ وَمَانْ كَوْتِينْ دَ لَحْسَنْ نَ كَرَا نَ إِكِيْكَ مَقْوَرْنَ. سَقْلَدْخْ إِيَاتْ لَحْسَنْ زُونْدْ تَيْنَ وَلَيْ كَتَتِينْ إِدَ لُوطَارْ نَسْنُ.<sup>3</sup> أَرْ سَلَغَانْ تَلَغَاتْ لَجَدِيدْ غَ لَكْدَامْ نَ لَعْرَشْ لَيْ دَ لَكْدَامْ نَ كُوژْتْ لَمُخْلُوقَاتْ لَيْ دَ إِفْقِيرْنَ لَيْ. أُورْ إِرْضَارْ يَانْ أَيْلِمْدَ تَلَغَاتْ أَنْ أَبْلَا مِيَأَ دَسِينْ إِدَ عَشْرِينْ دَ كُوژْ نَ وَالْفْ تَسْغَانِينْ غَ وَكَالْ.<sup>4</sup> غَوِيدْ كَانْتَنْ وَلَيْ أُورْ لَسْتِينْ إِخْفَالْوَنْ نَسْنُ سَ تَمْغَرِينْ أَشْكُو غُوسْنَ. غَوِيدْ ضَقْوَرْنَ بَدَا الْقَاعْ سَ إِنَاسْ إِدَا. تَسْغَانْ غَ كَرْ مَدْنَ أَذْ كَنْ لَغَلَتْ تَمْنَزُويْتْ إِرْبِيْ دَ الْقَاعْ أَنْ.<sup>5</sup> أُورْ تَلِيْ كَرَا نَ لَعْشَنْ غَ إِمَاوَنْ نَسْنُ، أَشْكُو أُورْ كِيْسْنْ إِلِيْ كَرَا نَ لَعِيبْ غَ لَكْدَامْ نَ لَعْرَشْ نَ رَبِّيْ.

<sup>6</sup> إِمِيكَ سَأَتَّا يَخْ يَانْ لَمَلَاكْ يَصْنِينْ أَرْ إِتِيَّالْ غَ تَرْوَمْتْ نَ إِكْنَوَانْ يَليْ دِيدْسْ لَنْجِيلْ إِداوْمَنْ أَسَرْسَنْ إِتِّشَارْ أَيْتْ وَكَالْ غَ كَرِيْكَاتْ تَامْتِيْ دَ كَرِيْكَاتْ تَقْبِيلْتْ دَ كَرِيْكَاتْ تُتْلَيْتْ دَ كَرِيْكَاتْ لَكْنَسْ.<sup>7</sup> أَرْ إِتِّي سَ كَرَا دَارْسْ: «إِكْصَصَاتْ رَبِّيْ أَرْتْ تَمْجَادْمْ، أَشْكُو إِلْكَمْ وَاسْ نَ لَحْسَابْ، تَعْبَدَاتْ وَلَيْ يَسْكَرْنْ إِكْنَوَانْ دَ

وَكَالْ دُلْبُرْ دِ إِغْبُولَا نْ وَمَانْ». <sup>8</sup> إِضْفُورْتِينْ يَانْ لَمَلَاكْ يَصْنِيْنْ أَرْ إِتْتِي: «تَضْرِضْ! تَضْرِضْ بَابِلْ تَمْدِنْتْ مَقْوِرْنْ، ثَلَيْ يِسْوَانْ تَمْتَوِينْ كُلُوتْتْ غُلْخَمْ نْ زُنَا نُسْ لِيدْ إِتْوِينْ لَغْضَبْ نْ رَبِّيْ.» <sup>9</sup> إِضْفُورْتِينْ لَمَلَاكْ وِيسْ كَرَاصْ أَرْ إِتْتِي سْ كَرَا دَارْسْ: «وَنَا إِنْعَبَادْنْ خُوشِيْ يَادْ دْ صَنَمْ نُسْ إِقْبَلْ تَمَتَّارْتْ نُسْ فْ إِكْنَزِيْ نُسْ نُغْ أَفُوسْ نُسْ، <sup>10</sup> هَانْ رَأِيْسُو غُشَّرَابْ نْ لَغْضَبْ نْ رَبِّيْ، وَلِيدْ إِفِيْ غُلْكَاسْ نْ لَغْضَبْ نُسْ إِكْ وَادْ إِقْسَحَانْ، أَرْ إِتْرُفُونْ غُلَعْفِيتْ دْ لَكْبِرِيتْ غُلَكْدَامْ نْ لَمَلَيْكَا نْ رَبِّيْ دْ لَكْدَامْ نْ الْفَاغْ لَيْ، <sup>11</sup> أَرْ يِقَلَّا يِوكُو نْ تَرْفُونْتْ نُسْ تِينْ وَبَدَانْ. أُورْ إِلَيْ وَسُونْفُونْ غُضَيْيِصْ أَلَا أَزَالْ إِوْلَيْ تَعْبَدِنِينْ خُوشِيْ أَنْ دْ صَنَمْ نُسْ دْ وَلَيْ قَلْبِنِينْ تَمَتَّارْتْ نْ إِسْمُ نُسْ». <sup>12</sup> غِيدْ أَغْ إِتْبَيَانْ صَبَرْ نْ أَيْتْ رَبِّيْ لَيْ سُكَرِنِينْ سْ لُوْصِيَّاتْ نْ رَبِّيْ غَمَانْ غُلِيمَانْ سْ يِسْوَعْ. <sup>13</sup> سَقْلَدْخْ إِيَانْ وَوَالْ غُلْكَنْوَانْ أَرِيْ يِتْتِي أَرَا: «إِمْبَرْكِينْ أَدْ كَانْ وَلَيْ مُوتِنِينْ غُمْنْ غِلَادْ إِلِينْ غُسِيدِيَّتْخْ». إِنَّا يِسْدْ رُوْخْ: «بِيَاهْ»، أَدْ سُونْفُونْ غُنْتَمَارَا نُسْ، أَشْكُو أَلِيلِيْ سُكَرْنْ رَاتِنِينْ إِضْفُورْ». <sup>14</sup> سَمُوقْلَخْ أَرْ تَتَّايخْ يَاتْ تَمَدْلُوتْ مُولَنْ، إِكَلَوْرْ فَلَاسْ يَانْ إِرْوَاسْنْ بِوْسْ نْ أَفَكَانْ، يِلِي دَارْسْ يَانْ تَاجْ نْ وُورْغْ فْ إِخْفْ نُسْ، يِسِي يَانْ أَسْمَاؤْدْ إِفْرَسْنْ غُأَفُوسْ نُسْ. <sup>15</sup> إِفْغَدْ يَانْ لَمَلَاكْ يَصْنِيْنْ غُلَهِيَّكْلَ، أَرْ يِقَرَا سْ كَرَا دَارْسْ إِوْلَيْ يِكَلَوْرْنْ فْ تَمَدْلُوتْ: «أَسِي أَسْمَاؤْدْ نُكْ أَرْ تَمَكْرَتْ، أَشْكُو تَلْكُمْ لُوقَتْ نْ تَمَكْرَأْ، تَنْتَوَا تَمَكْرَأْنْ وَكَالْ». <sup>16</sup> إِلْوَحْنْ وَلَيْ يِكَلَوْرْنْ أَسْمَاؤْدْ نُسْ فْ وَكَالْ، إِتَمَكْرَ وَكَالْ. <sup>17</sup> إِفْغَدْ لَمَلَاكْ يَصْنِيْنْ غُلَهِيَّكْلَ لَيْ يِلَانْ غُلْكَنْوَانْ، يِسِيدْ أَلَا نَتَنَانْ يَانْ أَسْمَاؤْدْ إِفْرَسْنْ. <sup>18</sup> إِفْغَدْ لَمَلَاكْ يَاضِنْ غُأَمْغُرِيْصْ إِطَافْ لَادِنْ فْ لَعْفِيتْ إِكْ تَغُوِيْتْ سْ كَرَا دَارْسْ إِلَانْ سْ لَمَلَاكْ لَيْ يُوسِينْ أَسْمَاؤْدْ لَيْ يِقَرْسْنْ إِنَّا يِسْ: «أَسِي أَسْمَاؤْدْ نُكْ إِفْرَسْنْ تَبِيتْ تَزَرْمِينْ نْ وَضِيلْ نْ وَكَالْ، أَشْكُو أَضِيلْ نُسْ إِنْوَأْ». <sup>19</sup> إِلْوَحْنْ لَمَلَاكْ لَيْ أَسْمَاؤْدْ نُسْ فْ وَكَالْ إِبِي أَضِيلْ لَيْ يِلَانْ غُلْكَنْوَانْ، إِلْوَحْتِينْ غُلْمَعَصَرْتْ مَقْوِرْنْ نْ لَغْضَبْ نْ رَبِّيْ. <sup>20</sup> لِجِنْتْ إِضَارَنْ غُلْمَعَصَرْتْ لَيْ غُبَرَا نْ تَمِدِنْتْ، فَغَنْدْ إِدَامَنْ غُلْمَعَصَرْتْ أَنْ لَكْمَنْ غَلِيْغْ أَنْ إِتْلِي الْكَمُو إِلِيْسَانْ، لَكْمَنْ أَسْتُومْ نْ كَرَا نْ كَرَاطْ إِذْ مِيَانْ كِيلُومِترْ.

15

## إِفْرِ وِيسْ سَمُوسْ دْ مَرَاوْ

<sup>1</sup> أَنْيَخْ غُلْكَنْوَانْ يَاتْ تَمَتَّارْتْ يَصْنِيْنْ مَقْوِرْنْ إِكَانْ لَعْجَبْ: سَاتْ لَمَلَيْكَا إِوينْدْ سَاتْ لَمْصَائِبْ گَرَانِينْ، أَشْكُو نَتَنْتِي أَسْ إِكْمَلْ لَغْضَبْ نْ رَبِّيْ. <sup>2</sup> أَنْيَخْ دَاخْ زُونْدْ لَبْحَرْ نْ جَاجْ إِخْلَصْنْ دْ لَعْفِيتْ، بَدَنْ فَلَاسْ وَلَيْ نَرَانِينْ خُوشِيْ لَيْ دْ صَنَمْ نُسْ دْ نَمْرَا نْ إِسْمُ نُسْ، بَدَنْ فْ لَبْحَرْ لَيْ نْ جَاجْ، أَسِينْ إِذْ لَوْطَارْ لَيْ يَاسِنْ إِفْكَا رَبِّيْ، <sup>3</sup> أَرْ سَلَّغَانْ تَلَغَاتْ نْ إِسْمَكْ نْ رَبِّيْ مُوسَى، دْ تَلَغَاتْ نْ الْفَاغْ لَيْ أَرْتِنِينْ: «أَلِيلِيْ تَسْكَارْتْ إِمْقُورْ أُورْ لِينْ أَنَاوْ أَسِيدِي رَبِّيْ لَيْ يِرْضَارْنْ إِكْرَيَّيَّاتْ تَغَوْسَا!، إِغْرَاسْنْ نُكْ صَحَانْ گِينْ لَحَقْ أَيْكَلِيدْ نْ أَيْتْ

رَبِّيٌّ. <sup>٤</sup> مَانُواكْ أُورْ إِكْسُوضُنْ أَسِيدِي رَبِّيٌّ. مَانُوا أُورْ إِتْمَجَادِنْ إِسْمُ نُكْ؟ أَشْكُو سَلَاغْ كِيْبِينْ أَيْغُوسْنْ، لُكْنُوسْ كُلُوتْنْ رَادَ أَشْكُنْ أَدْ سَجْدَنْ غْ لَكْدَامْ نُكْ، أَشْكُو لَاحْكَامْ نُكْ بَايْنَدْ».

<sup>٥</sup> سَمُوقْلَخْ إِلَمَّا أَرْ تَنَائِيْخْ لَهِيْكَلْ نَ أَخِيَّامْ نُ تُوكَأْ إِرْزِمْ غْ إِكْنُونَانْ. <sup>٦</sup> فَغَنْدْ غْ لَهِيْكَلْ أَدْ سَاتْ لَمَلَيَّكَا لَيْ رَادَ إِزُوكْرْ سَاتْ لَمَصَابِبْ كَرَانِينْ فْ وَكَالْ، لُسْنْ كَرَانْ تَمْلِسِيتْ إِصْفَانْ أَرْ أَكَانْ تَسْكُلُولُو. سُوتَنْدْ إِيدِمَارْنْ نَسْنْ كَرَانْ إِيكَاسْنْ نْ وُورْغْ. <sup>٧</sup> تَتَكْرِدْ يَاتْ غْ كُوصَتْ لَمْخُلُوقَاتْ لَيْ تَفَكْ إِسَاتْ لَمَلَيَّكَا لَيْ سَا لَكِيسَانْ نْ وُورْغْ، عَمَرْنْ سْ لَغَضَبْ نْ رَبِّيٌّ لَيْ يَدَرْنْ تَيْنْ وَبَدَانْ. <sup>٨</sup> إِعْمَرْ لَهِيْكَلْ سْ وَكُو سْ لَمَجْدَنْ رَبِّي دْ لَجَهْدْ نَسْ، أُورْ إِرْضَارْ يَانْ أَيْكُشْمْ سْ لَهِيْكَلْ لَيْ أَرْكِيغْ كَمْلَنْتْ سَاتْ لَمَصَابِبْ لَيْ نْ سَاتْ لَمَلَيَّكَا لَيْ.

16

## إِفْرِ وِيسْ سَضِيِصْ دْ مَرَاوْ

<sup>١</sup> سَفَلْدَخْ إِيَانْ وَوَالْ يَتُوينْ إِفْغَدْ غْ لَهِيْكَلْ أَرْ إِتَّنِي إِسَاتْ لَمَلَيَّكَا لَيْ: «رَيْدَامْتْ تَقْيِيمَتْنْ لَكِيسَانْ نْ لَغَضَبْ نْ رَبِّي فْ وَكَالْ». <sup>٢</sup> إِدُو لَمَلَاكْ أَمْزُورُو إِفِينْ لَكَاسْ نَسْ فْ وَكَالْ، إِلِينْ كَرَانْ إِنْكِيرْنْ إِدْ بُو يَنْكَازْنْ خُشْنِينْ غْ مَدَنْ لَيْ دَارْ تَمَارَتْ نْ خُوشِي لَيْ دْ وَلِي تَعْبَادِينْ صَنَمْ نَسْ.

<sup>٣</sup> إِفِيدْ لَمَلَاكْ وِيسْ سِينْ لَكَاسْ نَسْ فْ لَبْحَرْ، إِكْ كُلو إِدَامَنْ زُونْدْ إِدَامَنْ نْ لَمِيَّتْ، مَتَّنْتْ كُلو لَمْخُلُوقَاتْ دَرِنِينْ لَيْ كِيسْ لَانِينْ. <sup>٤</sup> إِفِيدْ لَمَلَاكْ وِيسْ كَرَاضْ لَكَاسْ نَسْ فْ إِسَافَنْ نْ وَمَانْ دْ إِغْبُولَا، كَنْ كُلو إِدَامَنْ. <sup>٥</sup> سَفَلْدَخْ إِلَمَّا لَهِيْكَلْ نْ وَمَانْ أَرْ إِتَّنِي: «لَاحْكَامْ نُكْ لَحَقْ أَدْ كَانْ أَرْبِي لَيْ يَلَانْ دْ وَلِي تَيْنْ إِكَانْ إِلَآ دْ وَلِي رَايِّلِي، أَشْكُو تَحْكُمْتْ سْ غَمْكَانْ». <sup>٦</sup> أَشْكُو نَعْلَنْ مَدَنْ إِدَامَنْ نْ أَيْتْ رَبِّي دْ وِينْ لَانِبِيَا، تَقْكَتْ أَسْنْ إِدَامَنْ أَتَنْ سُونْ. أَشْكُو غُونْشَكَانْ أَدْ سَتَهَلَانْ!» <sup>٧</sup> سَفَلْدَخْ إِوَوَالْ يَاضَنْ غْ أَمْغَرِيصْ أَرْ إِتَّنِي: «يَاهْ أَسِيدِي رَبِّي لَيْ يَرْضَارْنْ إِكْرِيَّكَاتْ تَغَوْسَا. لَاحْكَامْ نُكْ صَحَانْ، لَحَقْ أَدْ كَانْ».

<sup>٨</sup> إِفِيدْ لَمَلَاكْ وِيسْ كُوژْ لَكَاسْ نَسْ فْ تَقْوَكْتْ، إِتَّفَكْ أَسْ أَتْجَدْرْ مَدَنْ سْ لَعْقِيَّتْ. <sup>٩</sup> جَدَرْنْ بَهْرَا مَدَنْ سْ تُوكْتَ لَحْما، أَرْ رَكْمَنْ إِسْمُ نْ رَبِّي لَيْ دَارْ لَادَنْ فْ لَمَصَابِبْ أَدْ، أُورْدْ أَصِينْ سْ أَغْرَاسْ أَتْ تَمْجَادِنْ. <sup>١٠</sup> إِفِيدْ لَمَلَاكْ وِيسْ سَمُوسْ لَكَاسْ نَسْ فْ لَعْرَشْ نْ خُوشِي لَيْ، نَلِي تَكْلِيدِتْ نَسْ غْ تَلَاسْ. أَرْ كَرَانْ لَسْسِيُونْ نَسْنْ فْ سَبَّتْ نْ إِنْكَازْنْ. <sup>١١</sup> أَرْ رَكْمَنْ بَابْ نْ إِكْنُونَانْ فْ سَبَّتْ نْ إِنْكَازْنْ نَسْنْ دْ إِنْكِيرْنْ نَسْنْ، وَلَانِي أُورْدْ إِورِيْنْ غْ أَيْلِيدْ سَلَانْ.

<sup>١٢</sup> إِفِيدْ لَمَلَاكْ وِيسْ سَضِيِصْ لَكَاسْ نَسْ فْ وَسِيفْ مَقْوَرْنْ نْ لَفْرَاتْ، إِغَارْنْ وَمَانْ نَسْ أَيْكْ أَغْرَاسْ إِيْكَلَانْ لَيْدْ كَنِينْ لَقْبَلْتْ. <sup>١٣</sup> إِمِيلِكْ سْ أَتَتَّنَائِيْخْ كَرَاضْ لَارْوَاحْ لَسْنِينْ كَانْ زُونْدْ إِكْوَرَا أَرْدْ تَقْغَنْ غْ إِميَّي نْ لَهِيشْتْ لَيْ دْ إِميَّي نْ نَبِيَّيْ نْ زُورْ، <sup>١٤</sup> لَارْوَاحْ أَدْ كَانْ وِينْ شَيَّاطِينْ ڙِضَارْنْ أَدْ سَكْرَنْ لَمُوْعَجَزَاتْ، أَرْ تَدَانْ سْ دَارْ إِكْلَانْ نْ دُونِيتْ كُلُوتْ أَتَنْدْ سَمُونْ أَدْ مَاعْنْ غْ وَاسْ أَنْ مَقْوَرْنْ، أَسْ نْ رَبِّي لَيْ يَرْضَارْنْ

إِكْرِيْكَاتْ تَغْوِسَا. <sup>١٥</sup> «هَيْ رَانْ أَشْكُخْ زُونْدْ أَمْخَارْ! أَمْبَارْكِيْ أَيْكَا وَنَا يَوْوَزْنْ إِصْوُفْ تِمْلُسَا نْسْ أَدْ أُورْ إِزْيِكِيزْ سْ أَحْرْضِيشْ ژِرْنْتْ مَدْنْ». <sup>١٦</sup> إِسْمُونْنَتْدْ غَلِّي مْ تِتِينْ سْ وَالْ نْ لَعِبِرِيَا «هَرْمَجَدُونْ».

<sup>١٧</sup> إِفِيدْ لَمَلَكْ وِيسْ سَا لَكَاسْ نْسْ فْ وَضُو، إِفِغْدْ يَانْ وَالْ يَتُؤْنِينْ غْ لَهِيَكْ غْ إِكْنَوَانْ غْ لَعْرُشْ لِي أَرْ إِنْتِي: «إِكْمَلْ». <sup>١٨</sup> إِلِينْتْ كِرَا نْ إِدْ لَحْسْ دْ أَسْمَانْ دِ إِكْيِكْنِ يِلِي يَانْ زَلْزَالْ إِجْهَنْ، أُورْ جُونْ إِلِي زُونْدْ نْسْ غْ وَكَالْ غَمْنْ لِيغْ كِيسْ لَانْ مَدْنْ، يَانْ زَلْزَالْ بَهْرَا إِجْهَنْ». <sup>١٩</sup> تَبْضُو تَمْدَنْتْ مَقُورْنْ فْ كَرَاطْ تَوَالْ، خَلُونْتْ لَمْدَائِنْ نْ لَكْنُوسْ، تَمْدَنْتْ مَقُورْنْ نْ بَابِلْ أُورْتْ إِتُو رَبِّي أَدَاسْ إِسُو لَكَاسْ نْ شَرَابْ نْ لَغَصَبْ نْسْ دْ سَخْطْ نْسْ. <sup>٢٠</sup> رَوْلَنْتْ كُلُو تَكْزِرِينْ، إِلِيَّحْ إِدْرَارْنْ. <sup>٢١</sup> أَرْدْ إِطَّارْ إِبْرُورِي غْ إِكْنَوَانْ فْ مَدْنْ أَشْكَنْ إِقْنَسَارْنْ، أَرْ رُكْمَنْ مَدْنْ رَبِّي فْ تِتِي نْ إِبْرُورِي يَادْ، أَشْكُو تِتِي نْسْ تَكُوتْ بَهْرَا.

17

## إِفْرْ وِيسْ سَا دْ مَرَاوْ

<sup>١</sup> يَاشْكَدْ يَانْ غْ سَاتْ لَمَلَيْكَا لِي دَارْ لَانْ سَا لَكِيَسَانْ لِي تَتَّايْ: «أَشْكِيدْ أَدْ أَكْ مَلْخْ لَعْقَابْ نْ تَلِي بَهْرَا يِتْزَنُونْ تَكَأْوَرْ فْ تُوكْتْ نْ وَمَانْ، <sup>٢</sup> تَلِيدْ زَنَانْ إِكْلَدَانْ نْ وَكَالْ، سُونْ إِمْزَدَاغْنْ نْ وَكَالْ غْ شَرَابْ نْ زَنَانْسْ». <sup>٣</sup> يِسِي لَمَلَاكْ لِي سْ رُوحْ سْ يَانْ لَخْلَا، أَنِيغْ يَاتْ تَمْعَرْتْ تَسُودَا فْ يَانْ خُوشِي يِزْكَاغْنْ، إِدْلْ كُلُو سْ إِسْمَائِونْ نْ لَكُوفْرْ، إِطَافْ سَا إِخْفَاؤْنْ دْ مَرَاوْ وَسَكِيُونْ. <sup>٤</sup> تَلْسْ تَمْغَرْتْ لِي كِرَا نْ تِمْلِسِيتْ نْ لَحْرِيرْ تَرْكَاغْتْ، أَرْ تَسْكُلُولُو سْ أُورْغْ دْ إِزْرَانْ نْ ضِيَمانْ دْ لَجُوْهْرْ، تَامْزْ يَانْ لَكَاسْ نْ وُورْغْ إِعْمَرْ سْ تَجْلِخِيتْ دْ الْوَسْ نْ زَنَانْسْ. <sup>٥</sup> إِتِيرَا غْ إِكْنَزِي نْسْ يَانْ إِسْمْ إِكَّا سَرْ: «بَابِلْ مَقُورْنْ، مَاسْ نْ تَلِي تَرْنُونِينْ دْ تَجْلِخِيتْ نْ وَكَالْ». <sup>٦</sup> ثَرْخْ تَمْغَرْتْ أَنْ تَسْوَا بَهْرَا سْ إِدَامَنْ نْ أَيْتْ رَبِّي دْ إِدَامَنْ نْ وِلِي مُوتِينْ فْ تُوكَانْ نْ يَسُوعْ. لِيغْتْ ثَرِيخْ أَرْ كَا سُولْ تَعْجَابَخْ!

<sup>٧</sup> إِنِي لَمَلَاكْ لِي: «مَاخْ أَيْلِيغْ أَتَعْجَابْتْ؟ هَيْ رَادْ أَكْ مَلْخْ سَرْ نْ تَمْغَرْتْ أَدْ دْ خُوشِي لِيَتْ يِسِينْ، وَلِي يِطَافْنْ سَا إِيْخَفَاؤْنْ دْ مَرَاوْ وَسَكِيُونْ: <sup>٨</sup> خُوشِي لِي تَزْرِيتْ، إِكتِينْ إِلَا غَلَادْ أُورْ سُولْ إِلِي، هَتِي عَلَيْنْ أَدْ إِغْلِي غْ لَبَهْمُوتْ أَيْلِي أَكْرِي. إِمْزَدَاغْنْ نْ وَكَالْ لِي مْ أُورْ تَيُورَانْ إِسْمَائِونْ نْسْ غْ وَرَانْ تُودْرَتْ غَمْنْ لِيغْ تَيُوكَلَاقْ دُونِيتْ، رَادْ تَعْجَابْنْ إِغْ ثَرَانْ خُوشِي يَانْ. أَشْكُو إِكتِينْ إِلَا، غَلَادْ أُورْ سُولْ إِلِي وَلَائِنِي رَادْ سُولْ يَوْرِي. <sup>٩</sup> غِيدْ إِرَا لَعَقَلْ لِي دَارْ لَحْكَما! سَا إِخْفَاؤْنْ لِي كَانْ سَا إِدَرَارْنْ لِي فْ تَكَأْوَرْ تَمْغَرْتْ أَنْ. <sup>١٠</sup> كَنْ سَا نْ إِكْلَدَانْ: سَمُوسْ ضَرْنْ، يَانْ كِيَتِسْنْ إِلَا سُولْ، وَيَاضْ أُورْتَادْ يُوشِكِي، إِغْدْ يُوشْكَا إِقَانْدْ أَيْكَ كِرَا يِدْرُوسْنْ. <sup>١١</sup> خُوشِي لِي تِينْ إِكَانْ إِلَا غَلَادْ أُورْ سُولْ إِلِي، إِكَّا وِيسْ تَامْ، إِكَّ غْ سَا لِي، غَلَادْ رَائِلِي أَكْرِي. <sup>١٢</sup> مَرَاوْ وَسَكِيُونْ لِي تَزْرِيتْ كَانْ مَرَاوْ إِكْلَدَانْ لِي تَأْ أُورْ أَمْزِنِينْ تَكَلِّدِيتْ، وَلَائِنِي رَادْ أَمْزِنْ تَتَبَضِينْ كَنْ كِيَسِنْ يَاتْ تَسَاعَتْ نَتِي دْ خُوشِي لِي. <sup>١٣</sup> غُويْدْ طَافْنْ يَانْ رَبِّي، إِرِينْ أَدْ فَكْنْ تَتَبَضِينْ نْسْ دْ لَجْهَدْ نْسْ إِخْوشِي

يَانٌ.<sup>14</sup> رَادْ مَاغْنْ دْ الْفَاعْ لِي، وَلَائِنِي رَا فَلَاسْنْ إِكْ الْقَاعْ أَنْ، أَشْكُو أَيْكَا دْ سِيسْ نْ إِمْغَارْنْ دْ أَكْلِيدْ نْ إِكْلَدَانْ، كَنْ فَلَاسْنْ وَلِي دِيدْسْ لَانِينْ إِغْرَاسْنْ إِسْتِيَّنْ أَمْنْ سِرسْ.<sup>15</sup> إِنِي لَمَلَاكْ: «أَمَانْ أَدْ لِي تَزْرِيتْ تَكَاوْرْ فَلَاسْنْ ثَلِي يَتِرْنُونْ، كَانْ لَكْنُوسْ دْ إِكْدُودْنْ دْ تَمْتُونْ دْ تَتْلَابِينْ.<sup>16</sup> مَرَاوْ وَسَكِيُونْ لِي تَزْرِيتْ فْ خُوشِي لِي، رَادْ حَشَانَ ثَلِي يَتِرْنُونْ، كَسْنْ أَسْ أَيْلِي دَارْسْ فَلَنْتْ أُورْ تَلْسِي يَاتْ، شَنْ تَقِيَا نْسْ جَدْرِنْتْ سْ لَعْقِيَّتْ.<sup>17</sup> أَشْكُو رَبِّي يِيكَا غْ أَولَاؤْنْ نَسْنْ دْ سَكْرُونْ سْ رِي نْسْ، أَرْ سَكَارْنْ سْ يَانْ رِي، فَكْنْ إِخُوشِي لِي تَكَلْدِيَّتْ نَسْنْ فَادْ إِكْمَلْ وَالْ نْ رَبِّي.<sup>18</sup> تَمْغَرْتْ لِي تَزْرِيتْ تَكَأْ تَمْدِنْتْ مَقْوَرْنْ لِي يَحْكِمْنْ غْ إِكْلَدَانْ نْ وَكَالْ.

18

## إِفْرْ وِيسْ تَامْ دْ مَرَاوْ

<sup>1</sup> لَيْغْ إِزْرِي مِيَادْ أَنِيَخْ يَانْ لَمَلَاكْ يَاضْنْ إِكْرَدْ غْ إِكْنُوانْ، إِطَافْ تَبْصِينْ گُوتْتِينْ، أَرْ كُلُو يَسُوفُ وَكَالْ سْ نُورْ نْسْ.<sup>2</sup> أَرْ يَقْرَأْ سْ كَرَا دَارْسْ إِلَانْ: «تَضْرِ، تَضْرِ بَابِلْ مَقْوَرْنْ! تَكَأْ تَرْدَعْتْ إِشِيَّطِينْ، تُكْ تَغْمِي إِكْرِيَّكَاتْ رُوحْ إِلَسْنْ، دْ كَرِيَّكَاتْ أَيْلَالْ إِلَسْنْ إِتِيُوكْرَهَانْ.<sup>3</sup> أَشْكُو لَكْنُوسْ كُلوْتْنْ سُوَانْ غْ شَرَابْ نْ لَعْضَبْ نْ زَنَا نْسْ، زَنُونْ دِيدْسْ إِكْلَدَانْ نْ وَكَالْ، غَمْكَلِي غَنَانْ إِسْبَابِنْ نْ وَكَالْ سْ تُوكْتْ نْ نَعَامِ نْسْ».<sup>4</sup> سَقْلَدْخْ دَاخْ إِيَانْ وَالْ يَضْتِينْ غْ إِكْنُوانْ أَرْ إِتِي: «فَغَاتْ كِيسْ أَمْدَنْ إِنُو أَدِيدْسْنْ أُورْ تَمْشَرَاكْ لَمَعْصِيَّاتْ نْسْ، أَلَا گُوزْنَدْ فَلَالُونْ لَمَصَابِيبْ نْسْ.<sup>5</sup> أَشْكُو لَمَعْصِيَّاتْ نْسْ أَرْ تَمُونْ أَيْلِيغْ لَكْمَنْ إِكْنُوانْ، رَبِّي أُورْ إِتُو دَنُوبْ نْسْ.<sup>6</sup> سَكْرَاتْ أَسْ غَمْكَلِي يَأْوَنْ تَسْكَرْ، تَسَافُرْ أَسْ أَيْلِي يَأْوَنْ تَسْكَرْ سْ سَنَاتْ تَوَالْ. لَكَاسْ لَيْ تَخْلُضْ إِوِيَّاضْ أَغْ أَيْيَاضْ تَخْلُوضْمْ سَنَاتْ تَوَالْ.<sup>7</sup> غُونْشَكَلِي سْ تَسْمَعُورْ إِخْفْ نْسْ تَكْتْ غْ نَعَامِ، أَسْ رَا فَلَاسْ تَزْرِيمْ نْ تَرْفُوقْتْ تَكَوْضِي، أَشْكُو أَرْ تَيِّ دْ إِخْفْ نْسْ: هَيِّ گَاوْرَخْ كَخْ تَكَلْلِيتْ، أُورْ كِيخْ تَدَكَالْتْ، أُورْ سَارْ ژَرِيَخْ تَكَوْضِي.<sup>8</sup> غَانْ أَفْ كُلُو رَادْ فَلَاسْ مُونْتْ لَمَصَابِيبْ غْ يَانْ وَاسْ: هَا لَمُوتْ هَا تَكَوْضِي هَا لَازْ، تَجْدَرْ سْ لَعْقِيَّتْ أَشْكُو سِيدِي رَبِّي لِي رَا فَلَاسْ يُوتْ لَحُوكْمْ إِرْضَارْ إِكْرِيَّكَاتْ.

<sup>9</sup> «إِكْلَدَانْ نْ وَكَالْ لِي دِيدْسْ زَنَانِينْ زَرِينْ دِيدْسْ نَعَامِ رَادْ أَلَانْ أَرْ سَعْوَيُونْ، تَزِي نَا تَنَانِينْ أَكُونْ أَجَدَارْ نْسْ.<sup>10</sup> بَذَنِينْ غْ تُوكْتْ أَشْكُو كَصُوضْنْ غْ لَعِقَابْ نْسْ، أَرَتِتِينْ: تَجْرَا گِيمْ! تَجْرَا گِيمْ! أَبَابِلْ أَتَمَدْنَتْ مَقْوَرْنْ! أَشْكُو يَاتْ تَسَاعْتْ أَغْ فَلَامْ إِتُوتْ لَحُوكْمْ.<sup>11</sup> إِسْبَابِنْ نْ وَكَالْ رَا فَلَاسْ أَلَانْ أَرْ سَعْوَيُونْ، أَشْكُو سَلِيَعْتْ نَسْنْ أُورْ سُولْ أَتْ إِسَّاَغْ يَانْ،<sup>12</sup> سَلِيَعْتْ نْ وُورْغْ دْ نَقْرَتْ دْ إِزْرَانْ نْ ضَيَّمانْ دْ لَجُوهْرْ دْ لَكتَانْ دْ تَمْلِسَا غَلَانِينْ دْ لَحْرِيرْ دْ تَمْلِسَا تَرْكَخِينْ دْ كَرِيَّكَاتْ عُودْ لَقْمَارِي، دْ إِفْشَكَانْ نْ لَعاَجْ، دْ إِفْشَكَانْ غَلَانِينْ تَسْكَرْتِينْ غْ أَكْشُوضْ دْ وَنَاسْ دْ أَزَالْ دْ رَخَامْ،<sup>13</sup> دْ لَقْرَفَا دْ لَبْخُورْ نْ لَمُورْ دْ لَبَانْ دْ لَخْمَرْ دْ زَيْتْ دْ أَكُورْنْ دْ إِرْدَنْ دْ لَبَهَائِمْ دْ وَلِي دْ إِيَسَانْ، دْ لَكْرُوَسَاتْ دْ إِسْمُكَانْ دْ وَلِي تَيْمَرْنِينْ.<sup>14</sup> رَادْ أَسْ إِنِينْ: «فَتَانْتْ

أَمْ لُغَّاتْ لِي تَرَا شَهْوَانْمْ، إِفْتَائِيمْ وِيدَا لِي دَارْمْ دَ نَعَائِيمْ لِيغْ تَلِيتْ، أُورْ سَارْدْ سُولْ أُضِينْ». <sup>15</sup> إِسْبَابِنْ لِي زَنْزَنِينْ مِيَادْ رَبْحَنْ دِيدِسْ تُوكْتَنْ إِقْرِيصنْ، رَانْ بَدْنْ غْ تُكْوَكْتْ، إِكْصَاصِنْ غْ لَعَقَابْ نِسْ أَرْ أَلَانْ أَرْ سَعْوَيُونْ، <sup>16</sup> أَرْتِتِينْ: تَجْرَا كِيمْ! تَجْرَا كِيمْ! أَتَمْدِنْتْ مَقْوَرْنْ لِي يِلْسَانْ لَكْنَانْ دَ تَمْلَسَا زَكَّغَنِينْ، تَحْرَمْ سْ وَوْرَغْ دَ إِرْرَانْ نْ ضِيمَانْ دَ لَجْوَهْرْ. <sup>17</sup> أَشْكُو يَاتْ تَسَاعَتْ أَغْ كُلُو لَاحْ أَيْدَا أَنْ. إِرْيَاسْنْ نْ سَقَائِنْ دَ وَلِي سُودَنِينْ دَ إِبْرِيَنْ دَ وَلِي كُلُو تَخَدَّمَنِينْ غْ لَبْحَرْ رَانْ كُلُو بَيْدَنْ غْ تُوكْوَكْتْ، <sup>18</sup> أَرْ سَعْيُونْ لِيغْ ثَرَانْ أَكُو نْ أَجْدَارْ نِسْ، <sup>19</sup> أَرْتِتِينْ: إِسْ جُونْ تَيْنْ تَكَا كَرَا نْ تَمْدِنْتْ مَقْوَرْنْ زُونْدْ خَتَادْ؟ أَرْ زُزُورْنْ أَكَالْ فْ إِخْفَاؤْنْ نِسْ، أَرْ أَلَانْ أَرْ سَعْوَيُونْ أَرْتِتِينْ: تَجْرَا كِيمْ! تَجْرَا كِيمْ! أَتَمْدِنْتْ مَقْوَرْنْ، أَيْدَا نِسْ أَكُلُو إِسْعَنَانْ إِدْ بُو سَقَائِنْ نْ لَبْحَرْ. يَاتْ تَسَاعَتْ أَغْ كُلُو تَخَلْا. <sup>20</sup> فَرْحَاتْ أَسْ أَيْكُنْوَانْ تَقْرَحْ أَسْ أَيْبَيْتْ رَبِّي دَ إِرْقَاصِنْ نِسْ دَ لَانْبِيَا نِسْ، أَشْكُو يُوتْ فَلَاسْ رَبِّي لَحُوكْمْ نِسْ فْ سَبَّتْ نْ أَيْلِي كِيُونْ تَسْكُرْ. <sup>21</sup> يَالْ يَانْ لَمَلَاكْ إِدُوسْنْ يَانْ أُورْرُو زُونْدْ أَزْرَكْ مَقْوَرْنْ، إِلْوَحَتِينْ غْ لَبْحَرْ أَرْ إِتِيْ: «لَجْهَدْ أَدْ أَسْ رَانْ تَضْرِ تَمْدِنْتْ مَقْوَرْنْ بَابِلْ، أُورْ سَارْ سُولْ تَلِي. <sup>22</sup> لَحْسْ نْ وَلِي كَتَتِينْ لُوطَارْ دَ أَيْتْ إِمُورِيَگْ دَ وَلِي صَوْصَنِينْ أَعْوَادْ دَ نَفَارْ، أُورْ سَارْ أَسْ سُولْ كِيمْ إِسْفَلْدْ يَانْ. صَنِيعَتْ مَكْنَانْ تَرَا تَنْكَتْ، أُورْ سَارْ سُولْ كِيمْ لَيْنْ إِدْ بَابْ نِسْ. لَحْسْ نْ أَزْرَكْ أُورْ سَارْ أَسْ سُولْ كِيمْ إِسْفَلْدْ يَانْ. <sup>23</sup> أُورْ سَارْ سُولْ كِيمْ تَرْغِي كَرَا نْ تَفَاوْتْ أَلَا إِسْفَلْدْ سُولْ كِيمْ يَانْ إِلْحَسْ نْ أَسْلَي أَلَا وَيْنْ تَسْلِيَتْ. أَشْكُو إِسْبَابِنْ نِمْ كَنْتِينْ كَانْ إِنْمَعُورْنْ نْ وَكَالْ. سَيْحَرْ نِمْ أَسْ كُلُو تَجْلِيَتْ تَمْتَوْيِنْ. <sup>24</sup> نَتَانْ أَغْنْ أَفَانْ إِدَامَنْ نْ لَانْبِيَا دَ وَيْنْ أَيْتْ رَبِّي، دَ وَيْنْ وَلِي كُلُو نَغَانْ فْ إِكَّيْ نْ وَكَالْ».

19

## إِفْرْ وِيسْ طَرَا دَ مَرَافِ

<sup>1</sup> مَايِزِرِي مِيَادْ سَفَلْدَخْ إِكْرَا نْ لَحْسْ إِكْوَتْنْ زُونْدْ تَبِنْ تُوكْتَنْ مَدْنْ غْ إِكْنَوَانْ أَرْتِتِينْ: «هَلَلُويَا! نَجَا دَ لَمْجَدْ دَ شَانْ دَ لَجْهَدْ وَيْنْ سِيدِي رَبِّي أَدْ كَانْ، <sup>2</sup> أَشْكُو لَحْكَامْ نِسْ صَحَانْ كَنْ وَيْنْ لَحَقْ، يُوتْ لَحُوكْمْ فْ تَلِي بَهْرَا إِتْرُونْ تَهْلَكْ أَكَالْ سْ زَنَا نِسْ، يَامْزْ كَيِسْ لَحَقْ إِيَدَامَنْ نْ إِسْمَكَانْ نِسْ». <sup>3</sup> أَرْ دَاخْ تَتِينْ: «هَلَلُويَا! أَكُو نِسْ يُونْ بَدَا سْ أَفْلَا تَيْنْ وَبَدَانْ». <sup>4</sup> كَنْوَنْدْ عَشْرِينْ دَ كُوَزْنْ أَفْقِيرْ لِي دَ كُوَزْتْ لَمْخُلُوقَاتْ لِي سَجْدَنْ إِرْبِي لِي يِكَأَوْرَنْ فْ لَعْرَشْ أَرْتِتِينْ: «آمِينْ! هَلَلُويَا!» <sup>5</sup> إِفْغَدْ يَانْ وَوَالْ غْ لَعْرَشْ أَرْ إِتِيْ: «حَمْدَاتْ إِرْبِي أَيْسَمَكَانْ نِسْ كُلُوكْنْ، كَنْيِ لَيْتْ كَصُوصَنِينْ غْ مَايِزِرِيْنْ: أَلَا مَايِمَقْوَرْنْ!» <sup>6</sup> سَفَلْدَخْ إِكْرَا نْ لَحْسْ زُونْدْ تَبِنْ تُوكْتَنْ مَدْنْ، دَ زُونْدْ لَحْسْ نْ تُوكْتَنْ وَمَانْ دَ زُونْدْ لَحْسْ نْ تُوكْتَنْ إِكِيْكَنْ أَرْتِتِينْ: «هَلَلُويَا! أَشْكُو سِيدِي رَبِّي لِي يِزْ ضَارَنْ إِكْرِيَگَاتْ يُومْرْ تَكَلْدِيَتْ. <sup>7</sup> أَرَأَيْتْ أَنْفَرْخْ نَفْرَخْ دَاخْ أَرْتْ نَتْمَجَادْ، أَشْكُو

تَمْغِرَا نْ الْقَاعُ لَيْ تَلْكُمْ، تَسْلِيْتْ نْ تُوْجَادِ إِخْ نْ. <sup>8</sup> إِنْقَكِ أَسْ أَنْلِسْ تِمْلِسِيْتْ نْ لَكْتَانِ أَمْلِيلِ، إِصْقَانِ، لَكْتَانِ أَذْ إِكَأْ تَمَتَارْتْ نْ مَائِيْصَلْحَنْ لَيْ شِرْكَنْ أَيْتْ رَبْبِي.

<sup>9</sup> إِنَّا يَ أَرَأَ: «إِمْبِرْكِينْ أَذْ كَانْ وَلَيْ مِ غَرَانْ سِ إِمْنِسِيْ نْ تَمْغِرَا نْ الْقَاعُ أَنْ». إِنَّا: «إِولِيُونْ أَذْ وَيْنْ رَبْبِي أَذْ كَانْ كَنْ لَحَقْ». <sup>10</sup> كُنْوَخْ غْ لَكْدَامِ نِ إِصَارَنْ نْ أَدَاسْ سَجْدَخْ إِنَّا يَ: «سَمُوقَلْ! أَذْ أُورْ تَسْكَرْتْ غَمْكَنَا! نَكِيْ إِسْمَكْ كَا أَذْ كَيْخْ رُونْدِ كَيْيِ دِ أَيْتَمَاكِ لَيْ يَكَنِنْ تُوْكَأْ فِ يَسْوَعْ. رَبْبِي أَمِ تَسْجَاتْ! أَشْكُو يَانْ يَكَانْ تُوْكَأْ فِ يَسْوَعْ أَرْكِيسْ إِلَّيْ رُوحْ لَيْ يَتِلْلِيْنْ غْ لَانِيَّا».

<sup>11</sup> أَنِّيْخْ إِكْنَوَانْ رِزْمَنْ، هَادِيَانْ وَيَيْسِ أَمْلِيلِ إِسْمِ نِ أَمْنَايِ نْسِ إِكَأْ «وَلَيْغْ إِلَّا لَامَانِ إِكْ لَحَقْ», أَرْ إِتْحَكَامِ سِ لَحَقْ أَرْ سَرْسِ إِتْمَاغْ. <sup>12</sup> أَلَنْ نَسْ رُونْدِ أَفَدَدُو نِ لَعْقِيْتْ، إِلَيْنِ إِدْ تَاجْ كَوْتِنِيْنِ فِ إِخْ نْسِ، إِطَافِ يَانِ إِسْمِ إِتْيُورَا فَلَاسْ، أُورْتِ إِسْنِ يَانْ أَبْلَا نَتَانْ. <sup>13</sup> إِلَسْ يَاتِ تَمَلِسِيْتْ إِنْكَضْنِ غِ إِدَامَنْ، إِكْ إِسْمِ نْسِ «أَوَالِ نِ رَبْبِي». <sup>14</sup> إِضْقُورِتِيْنِ لَجِيشِ نِ إِكَنَا سُودُونْ فِ إِيْسَانِ أَمْلِيلِنِ لَسْنِ كَرَا نِ تَمَلِسَا مَلُولِنِيْنِ صَقْنِيْنِ. <sup>15</sup> أَرْدِ إِنْقُوْغْ يَانِ سَيْفِ إِفْرَسْنِ غِ إِمِيْ نِسْ أَسَرْسِ إِكِيتْ لَكَنُوسْ. إِكْ وَلَيْ رَافَلَاسْنِ إِحْكَمْ سِ أَكُورَايِ نِ وَزَالِ إِرْضَا أَصِيلْ غِ لَمَعْصَرْتِ نِ سَخْطِ دِ لَغَصَبِ نِ رَبْبِي لَيْ يَزْصَارَنْ إِكْرِيْكَاتْ. <sup>16</sup> إِتْيُورَا يَانِ إِسْمِ فِ تَمَلِسِيْتِ نِسْ دِ تَغْمَا نِسْ: «أَكْيَيدِ إِيْكَلَانْ دِ سَدِيسْ نِ إِمْغَارْنِ».

<sup>17</sup> أَنِّيْخْ يَانِ لَمَلَاكِ إِبْدِ غِ تَفُوكْتِ، أَرْ يَقْرَا إِوْيَلَيْنِ لَيْ كُلُو تَيْلَلَنِيْنِ غِ إِكْنَوَانْ سِ كَرَا دَارْسِ: «أَشْكَادِ مُونَادِ سِ دَارِ إِمْنِسِيْ نِ رَبْبِي مَقْوَرْنِ، <sup>18</sup> أَشْكَادِ أَتْشِيمِ تَقِيَا نِ إِكْلَانْ، دِ لَقْيُودِ، دِ إِمْدَوَاسِ دِ إِيْسَانِ دِ إِمْنَايِنِ نِسْنِ، دِ تَقِيَا نِ مَدَنِ كَلُوتِنْ: غِ إِسْمَكَانِ أَلَا وَلَيْ دَرْفِنِيْنِ، وَيِدِ مَرْيَنِيْنِ أَلَا وَيِدِ مَقْوَرْنِيْنِ».

<sup>19</sup> أَنِّيْخْ خُوشِيِ لَيِ دِ إِكْلَانِ نِ وَكَالِ دِ لَجِيشِ نَسْنِ مُونَدِ أَذْ مَاعِنِ دِ وَلَيِ يَكَأْوَرْنِ فِ وَيَيْسِ نَتَانِ دِ لَجِيشِ نِسِ. <sup>20</sup> إِتِّيَّمازِ خُوشِيِ لَيِ دِ نُبَيِ نِ زُورِ لَيِ دِيدَسِ إِلَانِ، وَلَيِ يَسْكَارِنِ لَمُوعَجِزَاتِ غِ لَكْدَامِ نِسِ إِجْلُو سَرْسِنْتِ وَلَيِ قَبَلِنِيْنِ تَمَتَارْتِ نِ خُوشِيِ يَانِ دِ وَلَيِ تَعْبِدِنِيْنِ صَتَمِ نِسِ، ضَرْبِنِيْنِ سِيَنِ لَيِ دَرْنِ نِيَتِ سُولِ غِ أَمْدَانِ لَعْقِيْتِ إِرْغَانِ دِ لَكْبِرِيْتِ. <sup>21</sup> وَلَيِدِ غَمِنِيْنِ مُوتِنِ سِ سَيْفِ لَيِدِ إِنْقَغْنِ غِ إِمِيِ نِ وَلَيِ يَسْوَدَانِ أَيِّسِ، شَبَعَانِ وَيَلَالِنِ كَلُوتِنِ غِ تَقِيَا نِسِنْ.

20

## إِفْرِ وِيسْ عَشْرِينِ

<sup>1</sup> أَنِّيْخْ يَانِ لَمَلَاكِ إِكْوَزْدِ غِ إِكْنَوَانِ يَسِيدِ تَسَرُوتِ نِ لَبَهْمُوتِ، دِ يَانِ أَسْكَرْفِ مَقْوَرْنِ نِ وَزَالِ غِ أَفُوسِ نِسِ. <sup>2</sup> يَامِزْ لَهِيشْتِ لَيِ، لَيِ يَكَانِ الْكَمَاضِ أَفْدِيْمِ، أَتِ إِكَانِ دِ إِلِيِسِ نَغْدِ شِيْطَانِ، إِكْتِ غِ إِسْكَرَافِ أَلْفِ نِسِ أَسْكَاسِ، <sup>3</sup> إِلْوَحْتِيْنِ غِ لَبَهْمُوتِ إِرْكَلِتِيْنِ فَلَاسِ، إِكَاسِ رَسْمِ أَسُولِ أُورِ إِجْلُو لَكَنُوسِ، أَرْكِيْغِ إِزْرِيِ وَالْفِ نِسِ أَسْكَاسِ. وَلَائِنِيِ إِقَانِدِ إِغْ إِزْرِيِ مَيَادِ أَذْ إِنْوَرْزِمِ غِ إِسْكَرَافِ يَانِ إِمِيكِ.

<sup>4</sup> آنیخْ كُرَا نِ إِ لَعْرُشْ، وَلَيِ فَلَاسْنِ كَأْوَرْنِينِ تَكَانِ أَسْنِ لَاحْكَامْ. آنیخْ لَارْوَاحْ نِ وَلَيِ نُغَانِ مَدْنِ فِ تُوكَّا نِ يَسْوَعِ دِ وَوَالِ نِ رَبِّي، دِ وَلَيِ أَكْنِينِ أَدِ تَعْبَادِنِ خُوشِي لِي دِ صَنَمِ نِسْ، أَكِينِ أَدِ قَبْلِنِ تَمَارَتِ نِسْ فِ إِكْنِزِي نِسْنِ أَلَا فِ إِفَاسْنِ نِسْنِ، غُويِدِ أَضَانِدِ سِ تُودِرْتِ أَمْزِنِ تَكَلِّدِيتِ دِ لَمَسِيَخِ الْفِ نِ أَسْكَاسِ.<sup>5</sup> خَتَّادِ أَيْكَانِ لَقْيَاماً يِزْوَارْنِ، أَمَّا وَلَيِ غَمَنِينِ غِ لَقْبِرِ أُورَادِ نَكْرِنِ سِ تُودِرْتِ أَرْدِ كَهْمَنِ وَالْفِ نِ أَسْكَاسِ أَنِ. <sup>6</sup> أَمْبَارِكِي دِ وَبِنِ رَبِّي أَيْكَانِ دِ وَلَيِ دَارِ تَصْغَارَتِ غِ لَقْيَاماً يِزْوَارْنِ. غُويِدِ أُورِ سُولِ فَلَاسْنِ تِي لَمُوتِ تِيسِ سَنَاتِ، وَلَائِنِي إِبَدَادِنِ نِ رَبِّي دِ لَمَسِيَخِ أَرَادِ كَنِ، أَمْزِنِ دِيدِسِ تَكَلِّدِيتِ الْفِ نِ أَسْكَاسِ.

<sup>7</sup> إِغِ إِزْرِي وَالْفِ نِ أَسْكَاسِ أَدِ، رَادِ إِنُورَزِمِ شِيَطَانِ غِ لَحْبَسِ نِسِ، <sup>8</sup> إِفْغَدِ أَيْجَلُو لَكْنُوسِ غِ كُورَثِ تَغْرَأِ نِ وَكَالِ: جُوحِ دِ مَاجُوحِ، أَتَنْدِ إِسْمُونِ سِ تَمِيغْتِ، لَعَدَنِ سِنِ زُونِدِ أَمْلَالِ نِ لَبْحَرِ. <sup>9</sup> أَرْدِ زَكِيْزِنِ غِ إِزْغَارِ نِ وَكَالِ سُوتِلِنِ إِيْخِيَامِنِ لَيْغِ لَانِ أَيْتِ رَبِّي دِ تَمَدِنْتِ لِي دَارِسِ إِعْزَانِ، تُوكُوزِ دِ لَعَفِيتِ غِ إِكْنَوَانِ تَجَدِرَتِنِ. <sup>10</sup> إِضْرَنِ إِبِلِيسِ لَيْنِ إِجْلُونِ غِ أَمْدَانِ لَعَفِيتِ دِ لَكْبَرِيْتِ، غِلِيْغِ إِلَا خُوشِي لِي دِ دَنِيِ نِ رُورِ. غِينِ أَغِ بُدَّا رَادِ تَرْقُوفُونِ ضَيِّيَضِ دِ أَزَالِ تِينِ وَبَدَانِ.

<sup>11</sup> آنیخْ يَانِ لَعْرُشِ مَقْوَرْنِ إِكَانِ أَمْلِيلِ، وَلَيِ فَلَاسْنِ إِكَأْوَرْنِ، رُولِنِ إِكْنَوَانِ دِ وَكَالِ غِ لَكْدَامِ نِ وُودِمِ نِسِ لَاحَتِنِ أَلَا لَاطِرِ نِسِنِ. <sup>12</sup> آنیخْ وَلَيِ مُوتِنِينِ غِ مَايِمِزِيْنِ أَلَا مَايِمِقُورْنِ بَدَنِ غِ لَكْدَامِ نِ لَعْرُشِ نِ رَبِّي، رَزْمِنِ وَرَأَتِنِ، إِرْزِمِ يَانِ وَرَأَ يَاضِنِ أَتِ إِكَانِ دِ وَرَأَ نِ تُودِرْتِ، إِتُوتِ لَحُوكِمِ فِ وَلَيِ مُوتِنِينِ سِ أَيْلِي يَلَانِ غِ وَرَأَتِنِ أَنِ كُويَانِ دِ أَيْنَا إِسْكِرِ. <sup>13</sup> إِلْوَحِ لَبْحَرِ أَيْلِي كِيسِ إِلَانِ نِ إِدِ لَمِيَتِ، تَقْكَدِ لَمُوتِ دِ لَبَهْمُوتِ وَلَيِ مُوتِنِينِ لِي كِيسِنْتِ لَانِينِ. إِتُوتِ فَلَاسْنِ لَحُوكِمِ كُولِ يَانِ دِ أَيْلِي يِسْكِرِ. <sup>14</sup> تَضْرَنِ لَمُوتِ دِ لَبَهْمُوتِ غِ أَمْدَانِ لَعَفِيتِ خَتَّادِ أَيْكَانِ لَمُوتِ تِيسِ سَنَاتِ. <sup>15</sup> كُولِ مَامِ أُورِ إِنْبُورِي إِسْمِ نِسِ غِ وَرَأَ نِ تُودِرْتِ إِضْرَنِ غِ أَمْدَانِ لَعَفِيتِ أَنِ.

21

## إِفْرِ وِيسِ عَشْرِينِ دِ يَانِ

<sup>1</sup> إِمِيكَ آنِيَخِ إِكْنَوَانِ لَجَدِيدِ دِ وَكَالِ لَجَدِيدِ، أَشْكُو إِكْنَوَانِ دِ وَكَالِ إِقْدِيمِنِ لَاحَتِنِ، لَبْحَرِ أُورِ سُولِ إِلِيِ.<sup>2</sup> نَكِي يُو حَنَا آنِيَخِ تَمَدِنْتِ نِ رَبِّي أَسْتِ إِكَانِ دِ أُورُشِلِيمِ لَجَدِيدِ تُوكُوزِ دِ غِ دَارِ رَبِّي تِيُوجَادِ إِخْفِ نِسِ تَحْرَمِ زُونِدِ كُرَا نِ تَسْلِيَتِ إِتَقْلَنِ سِ أَرْكَازِ نِسِ. <sup>3</sup> سَفَلْدَخِ إِيَانِ وَوَالِ يِتُوينِ غِ إِكْنَوَانِ أَرِ إِتِيِ: «غِلَادِ تَازَّغَتِ نِ رَبِّي تَلَّا غِ كَرِّ مَدَنِ، رَايِزَدْغِ غِ كَرِّاتِسِنِ، كَنِ مَدَنِ نِسِ. رَبِّي سِ إِخْفِ نِسِ رَادِيَدِسِنِ يِلِي يِنْكِ رَبِّي نِسِنِ. <sup>4</sup> رَايِسَقْضِ كَرِيْكَاتِ أَمْطَا غِ وَالَّنِ نِسِنِ. لَمُوتِ أُورِ سُولِ رَانِيِ، أُورَأَ سُولِ نِلِي تَكُوضِي وَلَأَ تَغُويِيَتِ أَلَا إِنْكَازِنِ، أَشْكُو أَيْلِي يِبَلَانِ إِزْرِيَتِ لَحَالِ». <sup>5</sup> إِساوَلِ وَلَيِ يِكَلَوْرِنِ فِ لَعْرُشِ إِنَا: «هَيِ رَادِ سَكْرُخِ كَرِيْكَاتِ تَغَوْسَا لَجَدِيدِ!» إِنَايِ: «أَرَا مَيَادِ: أَشْكُو إِولِيُونِ أَدِ صَحَانِ كَنِ وَبِنِ لَحَقِّ». <sup>6</sup> إِنَايِ إِكْمَلَ!

نَكِينْ أَيْكَانْ لِيفْ كُخْ يَا، إِسْ إِزْوَارْ دِإِسْ إِكُورَا. وَنَا يَاغْ إِرْفِي رَادَاسْ فَكْخْ أَيْسُوْ غْ أَغْبَالُو إِدَرْنْ بَلَا إِفْكَا  
 يَاتْ.<sup>7</sup> وَنَا إِكَانْ فْ كَارْ رَا كُولُو إِكُوسُوْ مِيَادْ، كُخْ رَبِّي نِسْ إِكِيْ أَرَأَوْ إِنُو.<sup>8</sup> وَلَائِنِي وَلِي كُصُوضِينْ دْ  
 وَلِي أُورْ أَمْنِينْ دْ وَلِي لَسْتِينْ دْ وَلِي نَقْتِينْ دْ وَلِي تَرْتُونِينْ دْ إِسْحَارْنْ دْ وَلِي تَعْدِينْ لَاصْنَامْ دْ وَلِي كُلُو  
 سَكْرِكِسْتِينْ، تَصْغَارْتْ نَسْ غْ أَمْدَا نْ لَعْفِيتْ إِرْغَانْ دْ لَكْبِرِيتْ، مِيَادْ أَيْكَانْ لَمُوتْ تِيسْ سَنَاتْ».<sup>9</sup> يَاشْكَدْ  
 دَارِي يَانْ لَمَلَاكْ غْ سَاتْ لَمَلَاكَ لَيْ دَارْ سَا لَكِيسَانْ لَيْ عَمَرِينْ سْ لَمَصَايِبْ گَرَانِينْ إِسَاوْلْ سَرِي إِنَّيْ  
 أَشْكِيدْ أَدَاكْ مَلْخْ تَسْلِيتْ نْ الْقَاعْ لَيْ يِكَانْ تَمَغْرَتْ نِسْ.<sup>10</sup> يِسِيْ سْ رُوحْ أَرْ أَفَا نْ يَانْ أَدْرَارْ بَهْرَا مَقْوَرْنْ  
 يِتُوينْ، إِمْلِيَنْ تَمَدْنَتْ مَقْوَرْنْ أُورُشِلِيمْ إِتَيْوَقْدَسْ تَكُوزْدْ غْ إِكْنُوَانْ غْ دَارْ رَبِّي.<sup>11</sup> يِلِي فَلَاسْ لَمَجْدَنْ رَبِّي،  
 أَرْ إِسْمَرْغَا زُونْدْ كَرَا نْ أَزْرُو لَيْ بَهْرَا إِلَانْ أَتِيكْ، زُونْدْ أَزْرُو نْ ضِيَماَنْ، إِسْفَاوْ زُونْدْ جَاجْ.<sup>12</sup> إِطَافْ  
 يَانْ صُورْ يِتُوينْ يِمْغُورْ، إِطَافْ سِينْ دْ مَرَاوْ نْ إِمَاوَنْ، إِلِينْ فَلَاسْنْ سِينْ دْ مَرَاوْ نْ لَمَلَاكْ. تِيرَانْ فَلَاسْنْ  
 كَرَا نْ إِسْمَاوَنْ، إِسْمَاوَنْ أَنْ كَانْ وِينْ سِينْ دْ مَرَاوْ نْ أَفُوسْ لَيْ كَانْ أَيْتْ إِسْرَائِيلْ.<sup>13</sup> إِلِينْ كَرَاضْ إِمَاوَنْ  
 سْ لَقْبَلتْ، إِلِينْ كَرَاضْ سْ إِزْلَمْضْ دْ كَرَاضْ سْ إِفُوسْ دْ كَرَاضْ سْ تَكُوتْ.<sup>14</sup> إِطَافْ صُورْ نْ تَمَدْنَتْ أَدْ  
 سِينْ دْ مَرَاوْ نْ لَسَاسْ، تِيرَانْ فَلَاسْنْ إِسْمَاوَنْ نْ سِينْ دْ مَرَاوْ نْ أَرْقَاصْ نْ الْقَاعْ.<sup>15</sup> لَمَلَاكْ لَيْ سَرِي  
 يِسَوَالْنْ يُومَرْ يَاتْ تَكْرَائِيتْ نْ وُورْغْ أَسَرْسْ إِسْغُلْ تَمَدْنَتْ دْ إِمَاوَنْ نِسْ دْ صُورْ نِسْ.<sup>16</sup> تَكْ تَمَدْنَتْ أَنْ تَادْ  
 إِرْبَعَانْ، تَغْزِي نِسْ زُونْدْ تَرِوتْ نِسْ، إِسْغُلْ تَمَدْنَتْ لَيْ سْ تَكْرَائِيتْ نِسْ، إِلِينْ كِيَسْ سِينْ وَلَفِيُونْ دْ سَنَاتْ إِدْ  
 مِيَانْ كِيلُومِترْ. تَغْزِي نِسْ دْ تَرِوتْ نِسْ دْ تِيدِيْ نِسْ يَانْ أَدْ كَانْ.<sup>17</sup> إِسْغُلْ صُورْ لَيْ يِقْتِينْ إِلَا كِيَسْ مِيَانْ دْ  
 سِينْ إِدَعْشِرِينْ دْ كُوْزْ نْ إِغِيلْ. إِكْ إِغِيلْ أَنْ لَيْ سْ إِسْغَالْ لَمَلَاكْ زُونْدْ بَنِيتْ إِغِيلْ نْ بَنِادِمْ.<sup>18</sup> إِتَبْنُو صُورْ  
 نِسْ سْ كَرَا نْ إِزْرَانْ زُونْدْ ضِيَماَنْ، تَبْنُو تَمَدْنَتْ سْ أُورْغْ إِصْقَانْ زُونْدْ جَاجْ إِفَاؤْنْ.<sup>19</sup> إِنْكُلو لَسَاسْ نْ  
 تَمَدْنَتْ لَيْ سْ كَرِيَكَاتْ أَنَّاُو نْ إِزْرَانْ لَانِينْ أَتِيكْ، أَزْرُو إِزْوَارْنْ إِرْوَاسْ ضِيَماَنْ، وِيسْ سِينْ إِكَا لِيَاقُوتْ  
 أَزْكَرْأَوْ، وِيسْ كَرَاضْ إِكَا أَزْلُويْ أَمْلِيلْ، وِيسْ كَرَاضْ إِكَا أَفْهُويْ، وِيسْ كُوْزْ إِكَا أَزْكَرْأَوْ.<sup>20</sup> وِيسْ سَمُوسْ  
 إِكَا أَزْلُويْ إِسْضَلَانْ، وِيسْ سَضِيَصْ إِكَا أَزْلُويْ أَزْكَاغْ، وِيسْ سَا إِكَا زَبَرْجَدْ، وِيسْ تَامْ إِكَا زُمْرُذْ أَمْلِيلْ،  
 وِيسْ طَرَزاً إِكَا لِيَقُوتْ أَورَاغْ، وِيسْ مَرَاوْ إِكَا أَزْلُويْ أَخْضَرِيْ، وِيسْ يَانْ دْ مَرَاوْ إِكَا الْمُونِيْ وِيسْ سِينْ دْ  
 مَرَاوْ إِكَا إِضِليْ.<sup>21</sup> سِينْ دْ مَرَاوْ نْ لَبَابْ لَيْ، كَانْ سِينْ دْ مَرَاوْتْ نْ تَلْجُوْهِرْتْ. كَرِيَكَاتْ إِمي يِكَا يَاتْ  
 تَلْجُوْهِرْتْ، أَسَرَأَكْ نْ تَمَدْنَتْ لَيْ يِتْسَكْرْ غْ أُورْغْ إِصْقَانْ زُونْدْ جَاجْ إِفَاؤْنْ.<sup>22</sup> أُورْ كِيَسْ ژَرِيْخْ كَرَا نْ  
 لَهِيَكْلْ، أَشْكُو رَبِّي لَيْ يِرْضَارْنْ إِكْرِيَكَاتْ دْ الْقَاعْ أَيْكَانْ لَهِيَكْلْ نِسْ.<sup>23</sup> أُورْ تَلْكَمْ تَمَدْنَتْ لَيْ فْ تِقاوْتْ نْ  
 تَفُوكْتْ أَلَا تِينْ وَيُورْ أَشْكُو إِسْوَفَائِيسْ لَمَجْدَنْ رَبِّي إِكْ الْقَاعْ تِقاوْتْ نِسْ.<sup>24</sup> رَادْ زَكِيْزَنْ لَكْنُوسْ لَيْ نَجْمَنِينْ  
 غْ تِقاوْتْ نِسْ أَشْكَنْدْ سَرْسْ إِكْلَدَانْ نْ وَكَالْ أَوِينْدْ سَرْسْ لَمَجْدَنِسْ دْ شَانْ نِسْ.<sup>25</sup> أُورْ سَارْ قَنْ إِمَاوَنْ نِسْ  
 أَزَالْ أَشْكُو أُورْ إِلِي ضِيَيِضْ غِينْ.<sup>26</sup> رَادْ سَرْسْ أَوِينْ تَمُوْغَرَا نْ لَكْنُوسْ دْ شَانْ نِسْ.<sup>27</sup> أُورْ سَارْ سَرْسْ

إِكْشِمْ كَرَا إِلْسِنْ أَلَا كُرَا إِسْكَارْنْ كَارْ نُغْ أَيْسْكَرْ كِيسْ أَبْلَا وِلَّيْ مِ تِيُورَانْ إِسْمَاوْنْ نَسْ نُغْ وَرَا نْ تُودْرْتْ لِي  
يْكَانْ وِينْ أَلْقَاغْ.

22

## إِفْرِ وِيسْ عَشْرِينْ دْ سِينْ

<sup>1</sup> إِمْلِيْ لَمَلَكْ لِي يَانْ وَسِيفْ نْ وَمَانْ نْ تُودْرْتْ صَقَنِينْ زُونْدْ جَاجْ إِفْغَدْ غْ لَعْرَشْ نْ رَبِّي دْ وِينْ أَلْقَاغْ.  
<sup>2</sup> أَرْدْ إِزْرَايْ غْ أَسَائِسْ نْ تَمْدِنْتْ لِي، تِلِي شَجَرْتْ نْ تُودْرْتْ غْ إِكْمَاضِنْ نَسْ سِينْ، أَرْ تِسْكَارْ لَغْلَتْ سِينْ  
دْ مَرَاوْتْ نْ تَكْلَتْ، كَرِيْكَاتْ أَيُورْ تِسْكَرْ يَاتْ لَغْلَتْ. إِفْرَاوْنْ نَسْ كَانْ أَسْفَارْ إِلْكَنُوسْ. <sup>3</sup> أُورْ سُولْ رَاتِّي  
كَرَا نْ نَعْلَتْ أَشْكُو لَعْرَشْ نْ رَبِّي دْ وِينْ أَلْقَاغْ رَابِّاً كِيسْ إِلِينْ، أَرْتْ تَعْبَادْنْ إِسْمَكَانْ نَسْ. <sup>4</sup> نَتِي رَادْ  
ثَرْنْ أُودْمْ نَسْ، إِتِيرَا إِسْمْ نَسْ غْ إِكْنَزِي نَسْ. <sup>5</sup> أُورَا سُولْ بِلِي ضَيْبِصْ غَيْنْ أَلَا لَكْمَنْ فْ كَرَا نْ تَقاوْتْ  
أَلَا تَقاوْتْ نْ تَقْوَكْتْ، أَشْكُو سِيدِي رَبِّي أَرَاسْنْ إِسْوَفُو نَتِي رَادْ أَمْرَنْ تَكَلْدِيْتْ تِينْ وَبَدَانْ. <sup>6</sup> إِنَّا يِ لَمَلَكْ  
لِي: «أَوَالْ أَدْ إِكَّا صَاحْتْ إِكْ لَحْقْ. سِيدِي رَبِّي لِيْ لِيْ إِسَاؤْلَنْ سْ لَانْبِيَا نَسْ، يُوزْنْدْ لَمَلَكْ نَسْ أَيْمَلْ إِسْمَكَانْ  
نَسْ أَيْلِيدْ إِقَانْ أَيْلِي غْ مَانْ أُورْ يَكُوْكْنْ. <sup>7</sup> هِيْ رَانْ حَرُوْخْ أَشْكَخْنْ، أَمْبَارْكِي أَيْنَكَا وِلَيْ يِسْكَارْنْ سْ إِولِيُونْ  
لِي فْ إِكَاشْفْ وَرَا أَدْ. <sup>8</sup> نَكِي گِيْخْ يُوْحَنَا ژِرِيْخْ سَقْلَدْخْ إِمَيَادْ، لِيْغْ ژِرِيْخْ سَقْلَدْخْ إِمَيَادْ صَرْخَنْ غْ دَارْ  
إِضَارَنْ نْ لَمَلَكْ لِيْ يِمْلَانْ مَيَادْ أَدَاسْ سَجْدَخْ. <sup>9</sup> إِنَّا يِ سَمْوَقْلْ، أَدْ أُورْ تِسْكَرْتْ غَمْكَانْ أَشْكُو إِسْمَكْ زُونْدْ  
كِيْنْ كَا أَدْ گِيْخْ، دْ زُونْدْ أَيْتِمَاكْ لَانْبِيَا دْ وِلِي سَكَرْنِينْ سْ إِولِيُونْ نْ وَرَا أَدْ. سَجْدْ إِرْبِيْ. <sup>10</sup> إِنَّا يِ أَدْ أُورْ  
تِسْتِنْتْ إِولِيُونْ لِي فْ إِكَاشْفْ وَرَا أَدْ أَشْكُو يَكْمُورْدْ أُوزْمَزْ. <sup>11</sup> وِلِي يِتْعَدَانْ إِغَمِيْتْ غْ تَعَدِّيْتْ، وِلِي يِلَّسْنْ  
إِغَمِيْتْ غْ مَايِلِسْنْ، وِلِي يِصْلَحْنْ إِغَمِيْتْ غْ مَايِصْلَحْنْ دْ وِلِي يِكَانْ وِينْ رَبِّي إِغَمِيْتْ غْ أَيْلِي يِكَانْ وِينْ  
رَبِّي. <sup>12</sup> هِيْ رَانْ حَرُوْخْ أَشْكَخْنْ، أَوِيْخَنْ دِيدِي تِغَرَاضْ أَدْ فَكْخْ إِكْرِيْكَاتْ يَانْ أَيْلِيدْ إِرْوَرَا سْ لَافَعَالْ نَسْ.  
<sup>13</sup> نَكِيْنْ أَيْكَانْ لِيفْ كَخْ يَا، أَمْزُورُو دْ أَمْكَارُو، إِسْ إِزْوَارْ دْ إِسْ إِكْرَا. <sup>14</sup> إِمْبَارْكِينْ أَدْ كَانْ وِلِي سَكَرْنِينْ  
سْ لُوْصِيَّاتْ نَسْ أَدَارْسْنْ يِلِي لَحْقْ غْ شَجَرْتْ نْ تُودْرْتْ يِلِي دَارْسْنْ لَحْقْ أَدْ كَشْمَنْ غْ إِمَاوَنْ نْ تَمْدِنْتْ. <sup>15</sup>  
أَشْكُو بِرَا لَانْ كِيسْ إِيْضَانْ دْ إِسْخَارْنْ دْ وِلِي تِرْتُونِينْ دْ وِلِي نَقَنِينْ دْ وِلِي تَعْبَدِنِينْ لَاصْنَامْ دْ كُولْ  
مَايِحُوبَانْ إِكْرِكَاسْ أَرْسِرْسْنْ إِسْكَارْ. <sup>16</sup> نَكِي يِسُوعْ أَنْ يُوزْنْ لَمَلَكْ إِنُو أَدْ أُونْ فَكْخْ تُوكَأْ فْ تَغُوسِوْيِنْ أَدْ  
إِلْكَنَائِسْ. نَكِيْنْ أَيْكَانْ أَزُورْ نْ دَأْوَدْ كَخْ أَمُودْ نَسْ، كَخْ إِتِري نْ صَبَاحْ إِسْوُفُونْ. <sup>17</sup> أَرْ إِتِي رُوحْ دْ تَسْلِيتْ:  
«أَشْكَادْ وَنَا إِسْفَلَدْنْ أَرْ إِتِي أَشْكِيدْ. وَنَا يَا غْ إِرْفِي أَدْ يَاشْكْ، وَنَا إِرَانْ أَمَانْ نْ تُودْرْتْ يَامَرْتَنْ فْ أُودْمْ نْ  
رَبِّي. <sup>18</sup> أَرْ تَعْلَامْخْ كُونْ مَايِسْفَلْدْنْ إِيْلِيُونْ لِي فْ إِكَاشْفْ وَرَا أَدْ، إِغْ أَسْنْ إِسْمَدْ كَرَا نْ يَانْ كَرَا، رَادَاسْ  
إِسْمَدْ رَبِّي غْ لَمْصَائِبْ لِي تِيُورَنِينْ غْ وَرَا أَدْ. <sup>19</sup> إِغْ إِلَا مَايِكَسْنْ كَرَا غْ إِولِيُونْ لِي فْ إِكَاشْفْ وَرَا أَدْ،  
رَادَاسْ إِكَسْ رَبِّي تَصْغَارْتْ نَسْ غْ شَجَرْتْ نْ تُودْرْتْ إِكْسَاسْتْ غْ تَمْدِنْتْ نْ رَبِّي لِي يِتِيُوبَدَارْنْ غْ وَرَا أَدْ.

أَرْ إِنْتِي وَلَّيْ يَكَانْ تُوكَّا فْ مِيَادْ: يَاهْ، هَيْ رَانْ حَرُوْخْ أَشْكُخْنْ. آمِينْ. أَشْكِيدْ أَسِيدِي يَسُوعْ. <sup>20</sup> <sup>21</sup> أَكْلو دِيدُونْ تِلي لِبَرَكَا نْ سِيدِيٰتْخْ يَسُوعْ.